



Къучагъшиврул савлугърал мажлис

5
лаж.

Расул Хамзатовлул цанийсса Национал библиотекалуву «Дагъусттаннал цанихсса арсру» тИсса проектрал лагрулий хьунни Аьрасатнал Виричу Нурмахаммад Хажимахаммадовлун хас бувсса мажлис.



№9
(2175)

10 МАРТ 2023 ш.

РЕСПУБЛИКАЛУЛ ЖЯМАТИЙССА ВА СИЯСИЙССА ККАЗИТ

Кказит буклай бивкИсар 1917 ш.
Цунил итабакълан бивкИсар 1991ш.

Фронт цлакьссар къинттуллухалугу цлакьсса чумал



Хъаннил байрандалул Хъантрай Дагъусттаннал БакIчи Сергей Меликовлул паччахIлугърал наградартту дуллунни республикалий личИ-личИсса давурттай хъхьичунну зузисса хъаннин.

Гъашину орденнан, медаллан, барчаллагъран чагъардан ва грамотарттан лайкъ хьунни 38 хъамитайпа. Наградартту ларминнавух бия медициналул зузалт, преподавательтал, аьрайминнал ниттихъул ва чIявусса оьрчIру бусса ниттихъул, магъирлугърал зузалт. Меликовлул кIицI лавгуна республикалий чансса бакъашиву, ласкъаттагу



Патимат Айгунова Меликовлушчал



Маржи Илиясова

сантирай бачин бувну, ичIаллил къайгъурдал хъаргу лавайсса даражалий ларсун най, цивппа зузисса кIанттайгу хъхьичIунну бусса хъами.

Аьрайминнал ниттихъахь барчаллагъ тIутИсса ихтилатраву республикалул хъунаманал увкуна: «Зу Ваган дуруччин хIадурсса, билаятрал тарих ябан, гъаз бан лайкъсса арсру ва душру тарбия бувсса инсанталлу. Фронт цлакьссар, къинттуллухмигу цлакьсса чумал. ХIакъину чIявусса хъами бур захIматрал фронтрай хIарачатрай, ва залдануву баянтИссар цалва

➔ Ахир 2 лаж.

Бадрижамал АБЛИЕВА

БакIрайва министрнал барча бувна хъами ялун нанисса байрандалушчал. Ларгсса шинал давурттавах кIицI ларгуна мила-трал проекту иширайну шаллу дулла дурми, Фазу Аьлиевал юбилейрацIун дархIуну дурми. Ларгсса шинал республикалий щаллуну бакъин бувну бур культуралул 12 къатта, искусствардал 2 школа, сакин бувну бур модель журалул 4 библиотека (гъашину сакин буван дакIний бур укунсса 5 библиотека).

Ва шиная тIий, бувсуна Ра-

Шаэрнал шинан хасну

Мартрал 7-ний «Дагъусттан» РИА-лий хьунни Республикалаул культуралул министр Зарема Буттаевал пресс-конференция. Ва хас дурну дия ларгсса шинал дурми ва гъашину халкъунал шаэр Расул Хамзатовлун 100 шин шаврин хасну дуван пикрилийми давурттан.

сул Хамзатовлул Ттуршукуллул шинал дайди хъу дуршиву жучIара хъусса Щалагу Аьрасатнал чичултрал пленумрая. Министрнал бувсмунийн бувну, гихуннай вава ххулий хьунтИссар личИ-личИсса конкурсеру, фе-

стиваллу, тIиртIу дарсеру, Расул Хамзатовлул къинирду, КIяла къурукъиргтал къинирду ва м.ц. Республикалаул культуралул цинявппагу идарарттал цалла ва шинал дуллагимур дахIинтИссар хъунасса шаэрнал цанищIун.



Зарема Буттаева

Фронт цакъссар къинттуллухалугу цакъсса чумал



→ Дайдихъу 1 лаж.

захІматрайну Дагъусттаннал ва Аьрасатнал цІа-кыни цІакъ дувавриву биялсса бутІа бивхъусса хъаннил цІарду».

Наградартту дуллуминнавух бия: балалухъун биривсса кулпат ххассал бувсса медсестра Марзигат Оьмарова, Чу къабайминнал ккурандалул хъунмур Ххадиджат Абакарова, Хасавюр-

тулал хъаннил советрал хъунмур Асият Арсланханова ва цаймигу бусравсса душру.

Барча бувминнавух бия лакрал хъамигу. Педагог ПатІимат Айгунован дуллунни медаль «За доблестный труд». ИчІува ласнашчал чІиви цехгу тІивтІуну, аьрайн тІайла буккансса хъамул чирахъру буллалисса Маржи Илиясован буллауна Барчаллагьрал чагъар. Жу ванияту цалчинминна-

вух чивчуссия кказитрай. Шиккува бусан, Маржи барча бувна МахІачкъала шагърулул администрациялугу. Бухъунсар барча бувминнаву жун хавар къавхъусса цайми лакку душругу, миннутугу бусанну. ДакІнийхтуну барча буллау бур жугу республикалул хъуниминнал кыматран лайкъ хъусса душру, чІа тІий буру цІакъсса цІуллушиву ва дуллалимуниву тІайлабацІу.

Агъамсса масъаларттал хІакъъиравусса батІаврий

Мартрал 6-ний Дагъусттаннал хъунаманал дурунни Агъамсса масъаларттал хІакъъиравусса батІаву.

Ххал бигълай бия дьавирдал иширттал гьуртгучитуран ва миннал кулпатирттан кумагрансса Социал центр зузаврил, регионалул исполнитель властьрал органнал арцурду аьркин даврил ва цаймигу масъалартту. Дьавилул къалмакъаллал гьуртгучитуран ва миннал кулпатирттан кумагрансса цІусса идаралул давурттал хІакъъираву махъ лавхъунни Дагъусттаннал ХІукуматрал председател Аьбдулмуслим Аьбдулмуслимовул. Мунал тІимунийну, цІуну сакин бувсса идаралул кумаг буллантагъиссар дьавилул иширттаву гьуртту хъанахъиминнан. Пландалий бур идара зунтІишиву СВО-лул гьуртгучитурал, Авгъаннавусса дьавилий, мукунма Венгриянал ва Чачаннал иширттаву гьуртту хъуминнашчал.

ЦІакъ бувну бур идаралул устав, аьям дурну дур зузалтрал структура ва аьдад, лирчІми давурттугу бартдигъин тІий бур чІал къавхъуну.

Республикалул экономикалул кумагрансса чараннал хІакъъираву махъ лавхъунни регионалул ХІукуматрал председателнал цалчинма хъири-



чу Руслан Аьлиевул. Ванал тІимунийну, хІакъуну Дагъусттаннаша бюхълай бур гьуртту хъун инвестициярттал проекту бартдигълагъисса идарарттан хІаллихшиннал кредиту дулайсса федерал программалуву. Миннан захІматшивуртту духлаган даву мурадрай, миннансса субсидияртту дулаврил шартІру аьям дурну дур Шяраваллил хо-

ЦІанасса тагъардануву захІматшиву хъунтІий дур шяраваллил хозяйствалул потребитель кооперативирттан, фермертуран, ЛПХ-рдал заллукъруннан. Миннан захІматшивуртту духлаган даву мурадрай, миннансса субсидияртту дулаврил шартІру аьям дурну дур Шяраваллил хо-

зйствалул паччахІлугърал программалул лагрулий.

Гъашину февральданій Аьрасатнал ХІукуматрал Председатель Михаил Мишустиннул къулбас дурссар байбихълахъисса ризкъичитурансса ва хъузалантрансса «Агростартап» грант 7 млн къурушрайн диян даврил хІакъъиравусса хІукмулий, шяраваллил хозяйствалул потребитель кооперативирттал членуран – 8 млн къурушрайн диянцІа. 5 млн къурушрайн диянцІасса арцу ласун бюхълай бур ахъулсса ва ахънилсса ххяххан дуллалисса инсантураща. АПК-лул давурттаха узиминнан мува хІукмулий ккаккан дурну дур цаймигу хІаллихшинну ва къулайшивуртту.

Регионалул каялувчиннал шагърурдал ва районнал бакІчитурайн тапшур бунни тІайланнасса дахІавуртту сакин дуван агъалинашчал. Яла гъансса чІумал муниципалитетирттал бакІчитурал жавабру дулун аьркинсар инсантурал буррукитту бусса суаллахъхъун тІайланнасса дахІаврил ххуттай. Регионалул каялувчиннал баян бунни мукунма аьркинну бушиву Жяматийсса палата НКО-лушчал (некоммерческие организации) зузаврил мюнпатшиву ххи дуван ва чялишну зун инсантурал сиптардашчал.

Сергей Меликовлул тапшур бунни оьрчІ-бакІуннан полиомиелитрал вакцинартту буллан.

**ХІадур бувссар
ХІ. АьДИЛОВЛУЛ**

«Циру жува дуручлачисса?» тІисса документал фильмрал презентациялий гьуртту хъунни Сергей Меликов.

Фильмран дирзун дур 1941-ку шинал июнь зуруй «Правда» кказитрай бувксса Алексей Толстойл статьялул цІа. Киноленталул буслай бур ЛуганскаллацІун ва ДонецкаллацІун бавхІусса иширттая.

«Циру жува дуручлачисса?»



Андрiana АьДУЛЛАЕВА

«Дагъусттан» РГВК-лул каялувчи Камила ХІамзатовал бусласимунийн бувну, телеканалданул корреспондентгьтал ва операторал нигъачІаву хъуннасса, захІматсса шартІирдай зий бивкІун бур. Бивну бур вай ишру хъусса кІанттурдайн, хъунабавкъуну бур Аьрасатнал аьралитурашчал, ДонецкаллацІун ва ЛуганскаллацІун агъулданушчал, Дагъусттаннаясса талаталтрашчал. Киноленталулун дурххун дур Сергей Меликовлушчалсса, Аьрасатнал Виричу, «Ахмат» спецназрал командир Апти Алаудиновлушчалсса, ЛуганскаллацІун республикалул БакІчи Леонид Пасечниковлушчалсса интервьюрду.

Фильм ккаккан даннин тамашачитурал хъхъичІ ихтилат бунни Дагъусттаннал БакІчинал.

«Фильмрал буслай бур жула халкуннахъ ци савав хъуссарив хасъсса операция байбишин. Ссал цІаний бартбигълай буссарив цайва бивхъусса бигарду жула ватанлулвал цала аьралий уссурваврашчал. Циван кумаг буллау буссарув жува хІакъуну цала гъан-маччанацІа хъуминан», – увкунни ванал. ДакІнийн бивчунни император Александр III-нал увкунна махъру, ми тІайла бавцІушиву кІицІ лаглай: «Щалагу дуняллий жула уссар так кІия тІайласса союзник – жула армия ва флот. Гайми циняв, сант дирияйхту, жуйнма кІура баййссар».

Дагъусттаннал БакІчинал бувсунни бансса чаран цамур къялявкъуну тІий бан багъшиву Аьрасатнал хасъсса операция.

«Та операция жула халкъ оьмуния буруччиншиврулли бувсса. ХІакъуну жура дуручлачимур цамур кушцуй дуруччин бюхълай къабивкІссар. Мунияту, ларгсса шинал февраль зурул 24-нийн, бувссар мукунсса хІукму. Та операция байбихъуну къабивкІссания, Аьрасатнал чулухуннайсса агрессия дайдишинтІиссия», – увкунни ванал.

«ХъхъичІ ххуттай бавцІуну, тархъан бувсса кІанттурдай, талатавуртту нанинийн гъанну зий, жухъагу, шала дуняллухъу тІайламур буслай, журналистгьтурал агъамсса даву дуллалиссар. Цуксса ххину ккаккан бувну буриу тІайламур, муксса му баххана бан къахъунтІиссар, – увкунни регионалул каялувчинал.

Ванал дуллунни паччахІлугърал наградартту хасъсса аьралий операциялул иширттая бусласисса СМИ-лул вакилтуран.

Съемкарду цукун най диркІссарив ва фильм ласун ссал гъавас бувтссарив бувсунни Камила ХІамзатовал ва киносуратрал автор Умай Ибрагъимовал.

Фильмрал премьералийн бивкІун бия политикалул ва жяматийсса ишккакулт, журналистгьтал, жагьилтурал патриот организациярдал активистгьтал.

Киносурат ххал дурну махъ Республикалул БакІчинал маслихІат бунни гихуннайсса суратту хІадур дан, мугу СВО-лул гьуртгучитуран ва миннал кулпатирттан кумаг буллалиминнан хас дан.

Инвестициярттал проектирдансса ххуллурду

БатІаврий ххал диргъунни укунсса проекту: «Хазар» ООО-лул дуккан дайсса ахъулссаннул шинну, поре ва нектарду; «Ириб» ООО-лул дуккан дайсса ахъулссаннул шинну, «Каспийский завод стекловолокна» ООО-лун порунтуру шошайсса пачру баву. ЛичІуну ххал бивгъунни ляличІисса эко-

Мартрал 3-ний ДР-лул БакІчи Сергей Меликовлул дунни АьФ-лул Ккавказулул лябуккулул институтрал директор Андрей Юмашовлушчалсса батІаву. Муний ххал бивгъунни республикалий инвестициярттал проекту бартдигъаврил масъалартту, миннвух промышленностьрал ва туризмалулссагу. Мунил хІакъъираву бувсунни республикалул каялувчиннал официал сайтрай.

номикалул зоналул лагрулий «Каспийский Кластер» тІисса

хъхъирил курорт баврил масъала.

ЛяличІисса къулагъас дунни захІматсса масъалартту дузал баврих.

Миккува кІицІ бунни хъхъичІсса гъантрай АьФ-лул Ккавказ команда хъунадаркъуну диркІшиву ДР-лул профилсса идарарттал каялувчитурашчал ва миннан ккаккан дурну диркІшиву курорт буванс-

са кІанттул планировкалул цІубутІуй дурну диркІсса проект.

Му бакъассагу, батІаврий ххал бивгъунни республикалий лябуккулул проекту бартдигъаврил масъала ва ми бартдигъин паччахІлугърал кумаг баврил ххуллурду.

**ХІадур бувссар
ХІ. АьДИЛОВЛУЛ**

Яттил биляят — Дагъусттан

Абдулмуслимовлул луттирал презентация

Мартрал 3-нний Р. Хамзатовлул цанийсса Национал библиотекалу хьунни «Овцеводство Дагестана. Прошлое – настоящее - будущее» тисса луттирал презентация.



Лу чивчуну бур ДР-лул Хикуматрал Председатель Абдулмуслим Абдулмуслимовлул ва ДР-лул Федерал аграр элмийсса центрданул ризкбилул отделданул хьунама Абдуссалам Хожаковлул.

Луттираву бувсун бур цукунсса клану бугълай буссарив ятту ябаврил дагъусттанлултурал оьрмулул даража ххуй-хьин бавриву личи-личисса заманнай.

Абдулмуслим Абдулмуслимовлул бувсунни лу итаба-кьаврил саварттая. «Цанасса спуртгугу Дагъусттаннай булай бур 12 жинсирал ятту. Му иширах кьулагъас дуван багълай бур, ссаха зунсаривгу чалай бур», — кунни Абдулмуслимовлул.

Презентациялий махъ лав-хьунни ДР-лул БакIчинацIасса Инсаннал ихтиярдальсса байсса советрал председатель Зикрулла Илиясовлул, ДР-лул Феде-

рал аграрий элмийсса центрданул директорнал буржру бартбигълагъима Нариман Ниьматуллаевлул, ДР-лул Хикуматрал Председательнал хьиривчу Нариман АбдулмутIалибовлул ва цайминналгу.

Миннал лавайсса кьимат бившунни луттиран. Миннал тимунийну, Дагъусттаннан ятту ябаву — хьинну агъамсса традициялийну ара хъанахьиссар. Луттираву тIайлану ккаккан буну бур личи-личисса заманнайгу, цанасса спуртгугу ятту ябаврил хIалкьазия, агъалинал оьрмулулу бугълагъисса кIанттурду, му хъунмасса иш хъанахьиссар Дагъусттаннан, жулва ризкьичитуран. Цанчирча микку дур хьинну хьирив лавну салкьи дурсса тарихрал ккаккиартту, лу чивчуну бур ххуйсса, бувчIинсса мазрай. Лу бувккун бур аьркинсса чIумал.

ХIадур бувсар XI. АБДИЛОВЛУЛ

«Илчилий» хъамалу



Март зурул 7-нний «Илчилул» редакциялийн бувкIун бия бус-равсса хъамал. Вайннал хъунмур мураднугу бия жула лакку кказитрай зузисса хъаннил коллективрахъ 8-мур мартрал байран барча даву.

МудакIний личIансса инициативалул хъьичIунми савачиталнугу бия М. Илиясовал цанийсса «Дараччи» клубрал каялувчи Гульшан Хасаева ва Дагъусттан Республикалул Жяматийсса Палаталул хъунаманал хьиривчу Ссапарбаг Абдуллаев.

ВайннацIун, хъачIрай хъачI дирхьуну, бувкIун бия «Илчилул» муданмасса дус-ихтивартал Сайпуллагу Абдуразаков, Жабир Абакаров, Зиябуттин

ХIажимирзоев, Динара Мамаева, Нажават Абуева, Тарият Къапиева. Хъамал бувкIунгу бия хъункIултIултал кацIурдишвал ва ссайгъатиртгашал.

«Илчилул» редакциялулгу, редколлегиялулгу, буккултралгу цIанияту хъунмасса барчал-лагъу баян булай, чIа тIий буру вайннан цала-цала мурадирттал ххулийгу ххари-шадшивуртту ва ххуй-хьиншивуртту.

«Илчилул» редакция

Март зурул 4-нний МахIачкьала шагьрулул 42-мур школай хьунни Украиннал аьршарай хасьсса аьралий операциялул иширттаву цалчин Аьрасатнал Виричунан лайкь хьусса НурмахIаммад ХIажимахIаммадовлул аьпалун хас дурсса меро-приятяртту.

НурмахIаммадлул цIанийсса школалий



«Ниттихъал кьуват» ккурандалул вакилтал



Зулайхат ТАХАКЪАЕВА

Гъамин, ва кьини 2022 шинал Аьрасатнал Президент Владимир Путиннул, НурмахIаммад ХIажимахIаммадовлул Аьрасатнал Виричунан Цику булла-лишивугу баян буну, «на лакку-чувра, на дагъусттанчувра» куссар, шала дуниялунгу баллай.

Меропрятяе дайдирихьуна школалул чIирайн лархъ-сса Виричунан аьпалул улттуцI тIутIив дишаврийну. Муния махъ хъамалуран ккаккан бунна Виричунан музей. Мивусса экспонатирттая бувсуна ва школалий географиялул дарсру дихълахьисса Сапигат Кьурбановал. КIицI лавгуна цинявппа

учительтал ва дуклаки оьрчIру пахрулий бушиву Виричунан цIанийсса школалий зун ва дуклан нясив хьушиврия.

Музейраву бивхьуну бур Виричунан Цику, НурмахIаммадлул лахлай диркIсса десантникнал янна, Аьрасатнал ва дуниялул лагрулийсса спортрал бьаст-ччаллай лавьсса спортрал кубокру, кутласса оьрмулул лахIардал бардултну хьусса суратру. Мичча цинявппа лавгуна актовий залданувун.

Виричу дакIнийн утан бувкIун бия Республикалул БакIчинал кумагчи Шамил Аьлиев, ДР-лул Хикуматрал хъунаманал хьиривчу Муслим Телякавов, дуккаврил министр ЯхIия

Бучаев, миллатрал политикалул ва диндалул иширттал министр Энрик Муслимов, Халкьуннал Мажлисрал депутат Елена Ельникова, МахIачкьала шагьрулул мэрнал буржру чIумуйну биттур буллалисса Ризван ГъазимахIаммадов, Аьрасатнал Вирттал Загъид Загъидов ва МахIаммад Баачилов, «Ниттихъал кьуват» тIисса ккурандалувун

бухлахисса ниттихъул, шахъами, ссурвал, НурмахIаммадлушвал архIал дуклай бивкIми, дулал, гьалмахтал.

Виричунан ниттил Сапигат Мазеавал барчаллагъ увкунни школалул коллективрахъ, арнал аьпа буручлай бушиврухлу ва арс дакIнийн утан бувкIсса хъамалурахъ. Виричунан ниттихъ барчаллагъ увкунни Муслим Телякавовлул, ЯхIия Бучаевлул, Ризван ГъазимахIаммадовлул. Вайннал кIицI лавгунни Украиннал аьршарай ватандалул ххулий жан дуллусса цаягу жагьил халкьуннал дакIурдива кьауккантIшиву.

НурмахIаммад дакIнийн увтунни ванал классрал каялувчи Лариса Аьлиевал ва архIал дуклай бивкIминнал. ОьрчIал бувккунни Виричунан хас бувсса шеьрирду, шаллу бунни кьавтIаврил композицияртту.

Лакрал миллатрава бивзсса вирттаврэн хас бувсса балай увкунни Дагъусттаннал халкьуннал артистка ХIабибат Буттаевал.

Меропрятяе кьуртал хъуна ливтIуми дакIнийн бичин ца минутрайсса пахъ багъаврийну.

Хъаннил байрандалун хасну

МахIачкьалалив Дусшиврул кьатлулу хьунни Хъаннил байрандалун хас дурсса концерт. Ва сакин дурну дия МахIачкьала шагьрулул администрациялул ва Культуралул управлениялул.



Бадрижамал АБЛИЕВА

БавтIминнал хъьичI махъ лахълай, МахIачкьала шагьрулул бакIчинал буржру чIумуйну биттур буллалисса Ризван

ГъазимахIаммадовлул цалва ихтилатраву кIицI лавгуна, ци замана бучIарчангу, гьарцагу чIумал хъамитайпа бикIайшиву оьрмулул лишанну, ххуйшиврулул ва гъавсарал бакIшарашину.

Залданувун ва кьини бавтIсса хъаннил цанилу ванал барчаллагъ увкуна гьарцагу ниттихъ, кулпатрахъ, ссихъ, душнихъ, аькьилшиврухлу ва ссаурданухлу, аякьалухлу ва хьиншиврухлу, дакIнил гъилишиврухлу ва тIюнгъашиврухлу.

Хьирив «Дирекция парков и скверов» МБУ-рал, «Благоустройство» МБУ-рал ва «МахIачкьала-1» МБУ-рал хъьичIунсса зузалтран буллуна Барчаллагь-рал чагьарду.

Концертралмур программа дайдирихьуна шагьрулул искусствардал школардал оьрчIал Дагъусттан Республикалул халкьуннал шаэр Расул ХIамзатовлул «Нину» тIисса шеьри буккаврия. Гихунмай сахIналийн бувккунна ОьрчIал филармониялул хор ва республикалул личи-личисса шагьрурдаясса творчествовалул коллективру.

Юбилейран хасну

«Цала пишалух ва ссавних эшкьи хьуми»

Аьрасатнал авиациялун 100 шин



Адриана АБДУЛЛАЕВА

– Вай 100 шинал лажиндарай билаятрал граждан флотрал бивтесар ккалли бан бучИсса иширтгал авадансса ххулу. Отрасль хьхичИуннай нани дурну дуссар цала пишалух ва ссавних эшкьи хьусса инсантурал. Жула билаят ца яла хьуннамур авиациялун державану хьун бан хьхичИунсса аьлимтурал, конструкторал, летчиктурал бивхьусса захматран багьа бищун къашайссар. Билаятрал авиациялун тарихраву лайкьсса лажин чирчуссар Дагьусттаннал авиациялунгу.

Дагьусттаннал авиациялун тарих байбивхьуссар 1927-ку шинал «Москав – Харьков – Ростов – Ттуплис» трассалийсса «гьвалул станциялия». Дагьусттаннал авиатортурал хьунмасса захмат бивхьуссар Буттал кИанттул цИанийсса Хьунмасса дяьвилул шиннардий фашистгал ххит бан. Ххишала дакъа захматсса шартИирдай миннал дузал буллай бивКиссар ярагьуннил, медикаментиртгал, дука-хИачИанмунил фронт ва партизантурал кьюкьри, Ленинград, Севастополь ва Сталинград буручлачими. Ккуллардал цIарава буккан буллай бивКиссар ша-вурду дирми, – увкунни цала ихтилатраву Республикалун БакИчинал.

Меликовлун кИицI лавгунни МахIачкьалалал аэропорт ялу-ялун гьарта-гьарза хьанай бушиву, мунил каша, бияла ххишала хьанай, инфраструктура ххуй хьанай душиву. 2022-ку шинал тачIав бакьачИин чIявусса – 2,5 миллион пассажиртурал къамул бувну бур МахIачкьалалал аэропортрал. Вай хьанай бур 2021-ку шиналнийр 24% ххишалану. Зун бивКун бур дунияллул халкьуннал дянивсса авиалиниярданал цIусса терминал (8 азарда кв.м. лагрулийсса). ТIивтIуну бур Аьрасатнал дазуйх итабакьайсса цIусса пункт. Ларгсса шинал ахирданий Аьрасатнал Хикуматрал Хикумулийну аэропорт цIу буккан баврил кИилчинмур яIапрай дуллантIисса давурттан итабав-

МахIачкьалалал Дусшиврул къатлуву хьунни билаятрал граждан авиациялун 100 шин шаврин хас бувсса мажлис. Авиациялун зузалтрахь пишалул байран барча дуллай, ихтилат бунни Дагьусттаннал БакИчи Сергей Меликовлун. Ванал кутIану бувсунни Аьрасатнал ва Дагьусттаннал авиациялун тарихрая.



МахIачкьалалал аэропортрал генеральный директор Саэд Рамазановлун «ДР-лул лайкь хьусса юрист» тIисса цIа дуллунни

къуну бур 13 миллиард арцул. Вай давуртту 2023-2025-ку шиннардий дуллан тIий бур. Ванийну чIяру хьунтIий дур шичча лехлахисса самолетру ва пассажиртал. ХIакьину Ухсавнил Ккавказулал Федерал Округрай пассажиртурал чулуха МахIачкьалалал аэропортрал кИилчинсса кIану бугьлай бур. Сергей Меликовлун бувсунни цамургу ххарисса хавар: мартрал 15-нния тиннай зунтIишиву «Баку - МахIачкьала - Баку» рейс. Ва дикIантIиссар нюжмардий шанна кьини: итни, арвахI, нюжмар.

– Зун дакИнийссар, на ва масьала гьаз бувссия ларгсса шинал декабрь зурул ахирданий, Азирбижаннавун аьрххийил лавгсса чIумал. Гьашину январьданий вава масьалалул хIакьираву

ттул ихтилат хьунни Росавиациялун каялувчи Александр Нерадькошал. Барчаллагь жува тIутIимунциIун бавкьусса Азирбижаннал каялувчитурангу, Росавиациялун каялувчитурангу. Ттун кIулли дагьусттанлулвал ва иширая хьинну ххари хьушиву, чIявуссаннал гьан-маччами Азирбижаннаву ялапар хьанай бушиву. Жула халкьуннал дянив мудангу дусшиврийсса арарду дирКиссар, – увкунни Сергей Меликовлун.

Ихтилат къуртал бувну махь Республикалун БакИчинал дуллунни МахIачкьалалал аэропортрал зузалтран паччахIлугьрал наградартту. Ми ларсминнавух ия МахIачкьалалал аэропортрал генеральный директор Саэд



Рамазановгу. Ванан дуллунни «ДР-лул лайкь хьусса юрист» тIисса бусравсса цIа. Цала чулуха Саэд Рамазановлул барчаллагь увкунни республикалун каялувчинахь, аэропортрал коллективрахь ва цIусса ттизаманнул инфраструктура шаллу дан кумаг буллалисса цума-цагу инсаннахь.

– Зул хьачIунттайри бавцIуну бусса Дагьусттаннал гьвалул дарваза. ХIакьину жува гьарцагу чулуха хьхичИунмай хьуну най буру. Нанисса шинал дайдишинтIиссар аэропортрал

реконструкциялун даву. Угти жучIава бикIантIиссар цIусса, ххишаласса каша дусса аэропорт. Ххал дигьлай буссар аэровокзалданул комплекс баврил концепциягу. Комплекс зузи бантIиссар 2027-ку шинал, «МахIачкьала» аэропортран 100 шин бартлаглагисса чIумал, – увкунни Саэд Рамазановлул.

Ххаллилсса къавтIавур-уттайну ва балайрадину аэропортрал зузалт барча бунни «Лезгинка» ансамбльданул ва Дагьусттаннал эстрадалул артистьтурал.



Дагьусттаннал авиациялун тарихрая

Лакрал вирттал


Къучагъшиврул савлугърал мажлис

Анриана АБДУЛЛАЕВА

Виричу дакӀнийн утан бивкӀун бия миллатрал хъхьичӀунсса арсру ва душру, НурмаӀаммадлул дустал, гъанмаччами, архӀал дуклай ва къуллугъ булла бивкӀми. Мероприятие тӀитӀлай, ихтилат бувна Национал библиотекалул хъунаманал хъиривчу Сарат Жабраиловал. Ванил баян бунни жанну дуллуминнал аьпалун минутрайсса пахъ багъаву. Гихуннай вечер дачин дурну бия шаэр, публицист Миясат Муслимова. Ванил бивсунни НурмаӀаммад ХажимаӀаммадов аьпалул хъуну махъ Аьрасатнал Чичултрал союзравун къамул увшиву. Ва хавар баян буну бур Дагъусттаннал халкъуннан Аьрасатнал Чичултрал союзрал председател Николай Ивановлул МахӀачкӀалалив «ХӀамзатовлул кинирду» тӀисса проектрал лагрулий хъусса митинграй.

– Аьрасатнал Чичултрал союзрал пленумрай жу цалчин къамул барду уставрайн къабувсса, дакӀнива, къюкӀлива нанисса ва хӀукму. Ванан луттирду итабакӀинсса, циньявннан кӀулсса шаэр хъунсса мажал нясив къавхъунни. Амма ва Виричу хъунни. Утти ва Аьрасатнал Чичултрал союзрал членни, – увкуна ванал.

НурмаӀаммад дакӀнийн утлатисса, ванал къучагъшиврия бусласисса гъарцагу ихтилат бия виримукъал буцӀин буллалисса, дакӀ хъювсул дуккан дуллалисса.



«Утти ккаккан данна ттулла тӀюнгъашиву тӀий буссияв арснан душ бувсса кьини».

Сапизат Мазеева, нину:

– Февраль зурул 24-чинсса кьини цайминнан укуннасса кьини духъунссия, ттуннив ххарисса дия. Ца-кӀива гъантлул хъхьичӀ арснан бувсса душния дия ттул хъуннасса ххаришиву. Амма ххаришиврушал архӀал дакӀниву ца синхралшиву дия. Муниннин кӀия арс хъуна уллай бивкӀсса ттун ляличӀиссара бахшишну чӀалай дия арснан бувсса



Расул ХӀамзатовлул цӀанийсса Национал библиотекалув «Дагъусттаннал цӀанихсса арсру» тӀисса проектрал лагрулий хъунни Аьрасатнал Виричу НурмаӀаммад ХажимаӀаммадовлул хас бувсса мажлис.

Шикку гьуртту хъунни ДР-лул БакӀчинал кумагчи Шамил Аьлиев, Дагъусттаннал экономикалул министр ХӀажи Султанов, Дагъусттаннал миллатрал политикалул ва диндалул иширттал министр Энрик Муслимов, Лакрал райондалул бакӀчи Юсуп МахӀаммадов, Ккуллал райондалул бакӀчи Шамил Рамазанов ва м.ц.

Укунсса арсру буссаксса жула аьрщарай шилчӀав къабизантӀиссар шилтагъсса ша».



душ: утти ккаккан данна ттулла тӀюнгъашиву тӀий буссияв ттухъва нава.

Фазу Аьлиевал увкуну бур: «Гъарца бивтсса ккулла цумурцагу ниттил къюкӀливух буккайссар», – куну. Га оь кьини ттул къюкӀлийн шуна яла хъунмамур ккулла.

Ттул арс дин-чак дусса, Аллагнайн вихсса оьрчӀя. Аллагна жуява рязину личӀансса куцӀуй оьрму бутлан аьркинссар тӀун икӀайва. ХӀарачат буллай бура мунал тӀийкун навагу яхъун.

НурмаӀаммад ттунсса кумагчину, чул бищай кӀануну льявхъусса оьрчӀ ия, арс ттул каругу, ччаннугу, хъаругуя. Оьрмулул 5 шин хъуннин ттул буттал къатлуву, ттул нитти-бутташал, уссишнал хъуна хъуссар. Ттул уссийя ларсуна мунал зунттал чувнал къанкъашиву, хъунана-

хасса хӀурмат, чӀивинахасса аякъа. Виртталну къаляхъайссар, вирттал шайссар учай. Ттул арс цала цува увсса чувъя.

Барчалагъ «Ниттихъал къуват» ккуруандалун. Зушал чансса духъурчагу рахӀат дуклай дур ттул дакӀ. Укун кӀул хъун, укун хӀала-гьуртту хъун нясивну бусхъунссия жунма.

Юсуп МахӀаммадов:

– Шин ларгунни Аьрасатнал Президентнал Украиннал аьрщарай хасъсса аьралий операция баян буну. Цалчин та операциялуву гьуртту хъун Украиннавун бивкӀсса аьралитуравух ия жула НурмаӀаммадгу. НурмаӀаммадлул учайсса бивкӀун бур цала дустурахъ-аьралитурохъ: «На тачӀав къаацӀантӀиссара нацистӀурал чапалсса кару ттула чурххайн



«На тачӀав къаацӀантӀиссара нацистӀурал чапалсса ка ттула чурххайн лаян».

Шамил Рамазанов:

– Аьрасатнал аьралуннал хӀаписар цамур куцӀуйсса икӀангу къабюхъайссия. Цала чувшиврийну ванал гъавас бивтунни циньявпагу аьралитуравун, бюхттул бунни Аьрасатнал аьрал, бюхттул бунни Дагъусттан.

Ци награда лайкъ дурсса бусхъурчагу, хасъсса аьралий операциялуву жанну дуллусса жагъилтал циньявпагу вирттаврай ккал-лиссар. Шак бакъар, ххувшаву жура ласунтӀисса.

Гульшан Хасаева, М. Ильясовал цӀанийсса «Дараччи» клубрал каялувчи:

– Вирттаврай авадансса, цӀа дурксса Надир-шагънаша, Тамерланнуша канийн ласун къавхъусса Лаку аьрщарай къабюхъайссия цамур куцӀуйсса арс ляхъан. Укунсса арсру буссаксса жула аьрщарай шилчӀав шилтагъсса ша къабизантӀиссар. Жува, душмангу ххит увну, ххувшаву ласунтӀиссар.

НурмаӀаммад дакӀнийн утлатисса ихтилатру бунна ялагу Дагъусттаннал Хъаннил комитетрал председател Интизар Мамутаевал, Информациялул ва печатьрал агентствалул хъунаманал хъиривчу Наида МахӀаммадовал, Халкъуннал Мажлисрал депутат Марат Ильясовлул, ДР-лул лайкъ хъусса строитель, альпинист Зиябуттин Хажимирзаевлул, Гъумучиял искусствалул школалул директор МахӀаммад Хъунбуттаевлул, МахӀачкӀалалал 42-мур школалул директор Ххадиджат ХӀусмановнал, «Ниттихъал къуват» ккуруандалул каялувчи Сапизат МахӀаммадрасуловал, НурмаӀаммадлул дус ва одноклассник, СВО-лул гьурттучи Ансар Султанмуратовлул, ниттиуссу Маликлул, уссу Аьдуллул.

Хасъсса аьралий операциялуву арсру ливтӀусса ниттихъан хас буну цала чивчусса шеьри бивкуна НурмаӀаммадлул дус Зиябуттин Аьдуллаевлул. Виричунан хас бувсса шеьрирду бивккунна мукуна Аьрасатнал Чичултрал союзрал член Булбул Оьмариевал, МахӀачкӀалалал 16-мур школалул учительница ПатӀимат Аьлиевал, дуклаки оьрчӀал, ниттил Сапизатлул бивккунна арснал махъва-махъ чивчуну бивкӀсса шеьри. НурмаӀаммадлухасса балайрду увкуна Луиза Шахдиловал ва Залихха Кативовал.

Мажлис кьуртал хъуну махъ риршуна дакӀнийн личӀансса суратругу.

Бадуржиган Чявучин Күл-Бессар личи-личисса ххалилсса акциярттал ситгачину. Акциярттал лагрулийсса Чярусса давурттугу ванил цила харжираццух дурну диркссар. Тай шиннардиыва, 2014 шинал, Бадуржиганнуясса передача ккаккан дурссия «Дагестан» РГВК-лий. Ва передачалуву буслай буссия Каспийск шагьрулий ванил дурсса ххалилсса акциялия. Цуппа ялапар хъанахысса Кичираву, марцшиву даву мурадрай, цила арцух ванил бивхьуну бивкссар цинци дичайсса кьуршив.

Бадуржиган бур цуппа бусса Клану чюлу буллалисса, цичанма инсантал Кунку буллалисса хъамитайпа. Кумаг аьркиннал чарав бацан ччисса, чумартсса, дакI цимисса хасиятру ванийн ирсирай дирну дур шяраву хурматрайсса цила нитти-буттая. Укунсса буну тий, ниттил ванийн «ттул гьалбарци» учайсса бивкун бур. ЧунархIал душвавраву ва итталун багьлагысса, хьхьичунсса бивкун бур. Спортраву итххьхьсса Бадуржиган школалий дуклакинийва гьуртту шайсса бивкун бур спортрал бьест-ччаллаву, бугайсса бивкун бур хьхьичунсса Клантурду. Мунияту, шяраву ванийн «Жул чемпионка» тисса ялун цагу дирзун диркун бур.

Кулпатраву ва хьунма-хьунмур бивкун бур. ИчIаллил кушурдугу ванил зирангу байсса бивкун бур.

– Жул кулпатраву бия шанма душ ва кия усу. На хьунмур бивкун бур. Бутта ия кьатри дуллай. Ганал кумагчитал бивкуну нагу, ца пагьлагу. Обннасса чун тачIав

Хъаннил байрандалун хасну

Укунсса хъаннийри дуниял дарцуну дусса

Дунияллий жура-журасса байранну дур. Амма гьарицагу инсанн язимур байран духьунссар Хъаннил байран. Цанчирчан, ва хьхьичIра-хьхьичI хъанай дур ниттихьал байран. Ниттихьая байхьилай бур дунияллийсса оьрму, ниттихьал бизлай бур тарбиялун гьану, ниттихьаясса гьилишивугу, чанигу биллай бур гьарнайн. Ниттихьай дарцуну дур дуниял.

Хъаннил байрандалул гьантрай жун бусан ччива увкусса мукьуй цу бусса, гьарицагу тIул чумартсса хъамитайпалия, ххалилсса ниттия, Чяйналл шяравасса ХIамидлул ва СахIивлул душ Бадуржиган Рамазанова.



Бадуржиган Рамазанова

бур, цува 10 гьантлува Аьрасатнал шагьрурдайсса 35 одноклассникнашал архIал учIантIишиву шийхминнашал хьунаакьин.

Школалул зал укун бусравсса хъамал кьамул бансса даражаллий кьабивкун бур. Чунгу чирисса диркун дур. Бан-битан бухлавгсса, буррукинттарайсса директорнал бавтIун бур та ппурттуву школа кьуртал буллалисса 5-гу классрал дуклаки оьрчIал нинуппу. ХIалкьазиягу бувчIин бувну, цуманаша ци дан хьунссар тий цухлан ивкун ур. Гьарцаннал цала-цала пикри бувсун махь, ина цан кьабивкун бура куну, цувххуну бур директорнал Бадуржиганнухь. Ванил жаваб дулуну дур: «Му масьала ттуй бишара, дулара ттухьун залданул Күлли.



Кулпатрацал

дакIний дакьар. ЯттичIан занай бунува дарсру лахьлан бикIайссияв. Чичайми дарсру тIурчан, циняв шанан бивкун махь дайссия. На бияв гьарица ишираву бутгал урчIа ка. Ттуйн оьвтIун бикIайва соревнованиярттайн, райондалий дуллалисса цаймигу мероприятирттай гьуртту хьун. Буттаннив на тийнмай-шийнмай хьуну ччан кьабикIайва, – тий бур Бадуржиган.

Чяйналл школагу хьхьичуну кьуртал бувну, Бадуржиган дуклаки бувххун бур МахIачкьалаллал машул ва кулинариялуд училищалувун. Мугу ванил ххуйсса кьиматирттай кьуртал бувну бур. Муний гьашиву кьадурну, Орджоникидзе шагьрулийсса Машул техникумгу кьуртал бувну бур.

– Чивисса оьрчIгу карав увцуну экзаменну дулун лагайссияв тий, – дакIнийн бутлай бур.

Зий бивкун бур хIукуматрал ттучаннай завмагну. Цуппа зу-

зисса гьарицагу Кланттай мударгу хьхьичуну, хьинну хурматкьиматрай бивкун бур.

Лайкь дурну дур чярусса бахшишу ва барчаллагьрал чагьарду. Шалагу Аьрасатнал перепись нарисса чумал дурсса хьуннасса дарицху ванин дулуну дур «За активное участие в переписи» тисса медаль. Бадуржиган бур захIматрал ветеран.

Цила оьрчIру дуклакисса КаспийскIаллал 2-мур школалул каялувчитурангу Бадуржиган ка кьачуччин кьяца кунмасса инсан бивкун бур. Ци аьркиншиву духьурчангу, ванийн буккайсса бивкун бур, ванил га цана мурад шалу баншиву Күллу.

Мукунсса ца иш хьуну бур, та школа 50 шинал хьхьичI кьуртал бувсса генерал-майор Герман Кириленкон цащала архIал дуклай бивкисса оьрчIашал хьунаакьин учIан пикри хьусса чумал. Ванал оьвкуну директорнайн, бувсун

Арулчинмур кьини на зухьхун ремонт бувсса залданул Күлли занан данна. ЛивчIсса шанма гьантта аьркинмур дузал дан на зун кьабитлай бура. Ттун зун цичIар кьааьркинни, кумаг аьркинну бухьурчан, ттула оьрчIал бантIиссар, ножмардул дьинив ттухун цамур зат дахчин мари-тару. Дарсирдая махь, сьят 5-нния 12 хьуннин зий, на хIарачат банна ва даву хъамаличу учIаннин кьуртал дан».

Му зат ванил бакIрайн ласайхту, завучну зузисса лакку инсан, ни-гьабувсун бивкун бур, ваниша му даву бакIуйн дуккан дан кьархьуну, цила лажин лухIи хьунссар тий. Амма Бадуржиганнун цила хIал цинма Күллу бивкун бур.

ОьрчIру школалий дуклакисса шиннардий Бадуржиган мударгу нитти-буттал комитетрал председателну бивкун бур. Школалий дуллалисса гьарица давриву ва чялишну гьуртту шайсса бивкун бур.

Киягу арс мусил медальданийн най уну, школалиягу, учительтура-гу рязину, дакIниву гьавас буну бивкун бур цуппагу. Мунияту, ва даву дурну, школалул каялувчиту-рал лажин кIялашиву дан ваниву хьунмасса гьира бивкун бур.

– Байбивхьура чаргун рутлай. Бачинну, кьабачинну кьатIий, на ци бакIрайн ласурчангу, ттул оьрчIругу ттун кумагчитал шайва. Укун, Киягу арнашал занай, чирисса чумул мутталлий хьуннасса лагрулул даву дурссия, гьануцIакул бакьин бувссия бухьуну, баштган хьусса школалул зал. Дия цаппара давуртту жуша дан кьабюхьайссагу. КаспийскIаллал гарнизонадалийн лавгун, командирнахь тавакью бувссия кумагран ца-кIия саллатI итаакь куну. На тай саллатIнахагу ттула оьрчIаха куннасса аякьа дурссия. Язишиврул хьярчру буллай бия,

хьунсса ишгу кьабивкун бур. Ножмардул мутталлий поллу, нузу, гьар-цимура даххана дурну, мархлуцIакул цу буккан бувну зал, шаллусса устартурал бригадалул кьадансса давуртту дурну диркун дур. Бадуржиганнуша ва даву чумуй дан хьунава тий, шак-шуклий бивкисса цинявпапу рахIат бувкун бур. Гьарица ишираву укунсса буну тий ххиранугу бивкун бур ва цинявннан.

Авурсса залданува ххалилсса хьунабакьавугу хьуну дур. Шикку, цинявннал хьхьичун буккан бувну, директорнал Бадуржиганнун барчаллагь баян бувну бур, 1000 ктуруш бахшишрангу дулуну дур.

Мажлисрал цалчинмур бутIа кьуртал бувну, ялугьлай бивкун бур шагьрулул мэр бакIчисса бусравсса хъамаллурах. Баян бувну бур дачи сьятрайсса перерыв. Му чумал гьарзат хIисав шайсса Бадуржиганнул бачIвасса трибуналий я бавцуну бур. Му дачи сьятрал дьинив МахIачкьалалив лавгун, цинна премиялун дуллуца арцул ялун ххигу дурну, хьунмасса тIулIал чIапа лавсун бивкун, трибуналул чIарав бивхьуну бур.

– Вагу та ласав, цукун дакIнийн багьри, – тий ивкун ур директор. Бадуржиганнул дурсса ремонт хIакьинусса кьинийн хьуну дур



ОьрчIал оьрчIашал

утти бакьарив жу бансса кушу тий. КутIану учин, ттуша бювхьуна аьркинсса чумуйнин зал, чюлу бувну, бацан бан, – тий, буслай бур Бадуржиган.

Гьунттий цилла дурсса даву школалул каялувчитурайн тапшур данна тий бувкун нанисса чумал Бадуржиганнун хIисав хьуну бур жанахIравусса Назаровлул (школа ванал цанийссар) гьайкалданул хьачIрая хьатI багьну. Утти нара дурсса даврил цу бакьар, агана ва укун ритарчан куну, байбивхьуну бур ганилссагу буллай. Лявкьуну гипсу, дучан дурну варакугу, цинчIав хIисав кьахьуну дакьин дурну дур ванил гьайкалгу.

Гьунттий, сьят урчIуннил дачинний, ванилаьркинну диркун дур, икьрал дурсса кушуй, залданул Күлли тапшур дан. Хьхьудьаризаннин гьайкал дакьин дуллай багьтIатIал хьусса Бадуржиган дачи сьятрал чIал хьуну бур. Ва школалийн бувкисса чумал цинявппа, хIаятравун бавтIун, ссавур духларгун ялугьлай лявкьуну бур. Гьай-гьай, цинявннал итталун дагьну дур дакьин дурсса гьайкалгу. Ванин дакьа ва даву дангу цинчIав дакIнийн кьабагьанссия тий бивкун бур.

– Лажинни, Бадуржиган, залданул нуз тIитIа анаварну, жу бигьану ссикI бигьин, – тий ивкун ур директор.

Залданувун буххайхту, цинявппа махIаттал хьуну бур. Кьа-

та школалий.

Укунсса бюхьу-базар бусса ниттия ххалилсса оьрчIру бизаву цичIав махIаттал хьунсса иш бакьар.

Загьидиналгу, Бадуржиганнулу мукьвагу оьрчI ххуйсса тарбияларьсса, итххьхьсса, мяьрипат дусса бур. Киягу арнал, Саэдлул ва Шяпинал, школардугу мусил медаллай, вузругу ЯтIул дипломирттай кьуртал бувну бур.

Саэд, Дагьусттаннал паччахI-лугьрал университетрал юридий факультетту кьуртал бувну, аспирантуралувун увххун, юридий элмурдал кандидат хьуну ур. Шана Саэд МахIачкьалалал аэропортрал генеральный директорну ур. Шяпиналгу кьуртал бувну бур кIава институтрал кIава факультет. Дуклаки ухлахисса чумал ва университетрал мукьва факультетрайн кьамул увну ивкун ур. Ванал цала хьунама уссил кунма язи бувгьуну бур юридий факультет. Шана ва ур Москвалив «Евроцемент групп» АО компаниялий зий. Киягу арнал дуклакинийгу, цивппа зузисса Кланттурдайгу лайкь дурну дур личи-личисса наградартту. Цалацала давурттай вай киягу лавайсса даражалул пишкаартуран ккаллину бур, Чяйналл жьаматрацIагу вай хьинну хурмат-кьиматрай бур.

Имара САИДОВА
Анриана АБДУЛЛАЕВА

Хъаннил байрандалун хасну

«Комсомолка, спортсменка, аьнтIикIа»

• – Каринай, буси вила даврия, цукун багъра ина телевидениялийн?

– Дуккавугу къуртал дурну, 2015-ку шинал ттула шяраву бунува, хава-Гавар бакъа, «Дагъусттан» РГВК-лия, лакку мазрайсса передача дачин дансса инсан аьркин агълай ур тIий, овькуна ниттичIан. На укунмагу бикъавсса кIану бакъахъунсар зунттал шархъай. Къакула ттун ттула хиял Аллагънал кабакъулуцIун ца хъуссияв, махIаттал хура, ттулла дакIнин ччикунсса даврийн овъчайхту. ТIайлабацIулун, на стажировка къадурнура къамулгу буннав. БакIрайва ттун кумаг бувайва Марианна МахIаммадовал, цIанакул ва буссар Миллатирттал жяматийсса ва политикалул иширтталсса буллалисса отделданул каялувчину.

• – Вин дакIний бурив цалчинсса вила даврил аьрххи?

– Гъай-гъай, ххуйну дакIний ливчIунни цалчинсса ссапар. Жу лавгссияв Ккуллал райондалийн шяраваллил хозайствалул тагъар ххал дан. Га кIинтилми минарда гъинтилминнуйн яттугъаттара куч буллалисса чIун дия. Хъусрал-Чарттал Оьлла-Арив ккуллал яттил къуш буну, хIухчалтрашал ихтилатрай бунува, кIива-шанма хъунисса яттиккаччив операторнал жьирив хъуну, камерагу къабивтун, ливхъун нанисса чIун хъамакъаритай. Тания шиннайри ттул даврил дайди хъу хъусса.

• – Вилла даву цуксса захIматсаннун ккалли дара ина?

– Даву дакIнил ларъсса ду-

Гъарца тталаткъини «Дагъусттан» РГВК-лий ккаккан дувай «Аьрши ва агълу» тIисса лакку мазрайсса передача. Инсантуран хъунмасса гъира бикIай ваних бурган. Ва передача хIакъину дачин дурну бур цила даву хъинну ххирасса, тамашачитал рязину личIан бан хIарачат буллалисса зунттал душ, ккули душ Карина Далиева.

Хъаннил байрандалул гъантригу бухъувкун, ва цуппа буну зувира шинал муттагу бартлаглай бухъувкун, жу хъунабавкъуру Каринашчал.



Карина Далиева буну бур мартрал 15-нийн 1993 шинал Южно-Сухокумск шагърулий, Гугъаршал ва Нурауттиннул кулпатраву. Ванин шин шайхту, Бакресс-Бажиганнал миналия кулпат бивзун бур Ккуллал шяравун. Халид Мурачуевлул цIанийсса Ккуллал 1-мур школа къуртал буну бур Каринал арцул медальданый. Школалий дуклакисса шиннардий ва гуртту къавхъусса мероприятие дакъар - балайрдал конкурсирттай, спартакиадарттай, олимпиадарттай ва цаймигу бьст-ччаллай. Ва бур Дагъусттаннал лагрулийсса ка дишаверил чемпионатрал ххюйла ва лчаверил шамийлава чемпионгу. КутIану учин, ва бур «комсомолка, спортсменка, аьнтIикIа». ДГУ-лул журналистътурал отделениялийн дуклан буххавугу ванил тархъансса хасиятрацIун бавхIусса иш бухъунссия. Вайннал кулпатраву бур ххюва оврчI – мукъва ссу ва ца уссу.

передачарттал монтажу дувайссар. Кувнина кувнина даврил хIакъи-хIисав лахъхайссар, клидачIайссар.

• – Шяраваллаву ялапар хъанахъисса инсантуран яла жапамурну вин ци дизай?

– Гъарцагу шяраву гайра-гай захIматшивуртту хъунадакъай: газ бакъашиву, ххуллурдал чарагъатшиву, ттуки бакъашиву. Царай шяраваллу телефондалул связь дакъассагу хъунадакъай. ДакI къума лагай, школартту бакъасса шархъив ккарккувкун. Амма шяраваллаву яхъанхъисса агъали цивпа тIурча, цукун захIматсса шартIру дунугу, дакIру тIиртIусса, кувнинал чIарав кув бацIайсса бур.

• – Вила чулухуннайсса критика цукун къамул дара ина?

– Критика къамул дуvara бигъану. БакIрайра дикIайва хъиннура гъарзасса аьй-бювкъурду, му махъ мукун къаучайссар, укунни учайсса тIий. Тамашачитуран ччимур буван хIарачат буллан бикIару. Миннан балайрду, тяхъашиву дусса передачартту ччан дикIай, амма, каналданул хъуниминнал ва музыкалул программа дакъар тIий, миннун личIину хъунисса чIун харж дан къашай. Маслихат бан, какумаг бансса кIанттай, социальный сетирдай аьркин бакъасса затругу чичлан бикIай, хаснува передача оьрус мазрай дачин дулай бур тIий. Гуртту хъанхъиминнал дянивугу чIявуми итхъавххун лакку мазрай ихтилат бан шайсса къабикIайхха.

Мура тагъар дикIай цайми миллатиртталгу. Агарда хъхъичIва оьрус мазрайсса ин-



Даврил лахIарду

Утти гъарца передача лакку мазрая оьрус мазрайн таржума даву тIалав дуллай бур жуяту, цайми миллатирттал инсантурангу бувчIланшиврул.

тервью ккаккан дуван къабучIину бивкIхъурча, ягу ца минутIрайн бияннинсса ихтияр дулайсса диркIхъурча, цIанарив миллатирттайсса мазурдил передачарттугу оьрус мазрайн таржума дуллал буллай буру, оьрус мазрайсса ихтилатту итабакъин багъай. Ца ттуин хъар шайсса тагъар дикIссания, на лакку мазрайсса дакъа къадувантIиссия.

• – Ци учинна цIанасса жагъи-жугъултрая?

– Лакрал бур хъинну ххуйсса, хъхъичIун ливчусса, итхъавхсса жагъи-жугъулт. Шагъурдай ялапар хъанхъиминнан хъхъичIва хъхъичI аьркинни ниттил мазлахълан, кулпатирттаву лакку мазрай гъалгъа тIун. Лакку мазрайсса кказит, журнал чичара увкукун, лакку маз санбакъул буллалиссагу хъунабакъай. Зунттал кIанттурдай ялапар хъанхъиминнан тIурча, оьрму бигъану бутлансса шартIру хъина тIун бикIара, шяраваллава къалихъланшиврул. Яла-яла хъина ххуйсса харжру бусса давуртту.

Ххуй дакъасса тIуллахун багълай бур бигъану арцу ляхъланшиврул.

• – Вила пикрилий, оьрмулувусса тIайлабацIу му бахттирив ягу захIматрайнусса бияларив?

Ттул пикрилий, тIайлабацIу захIматрая нигъа къабусайминнан шайхъунсар. ТIайлабацIу най бунува къашайхъунсар, сса-вур дурну, пикри буну къушцу тIун аьркинхъунсар.

• – Ина инава талихI бусса инсаннан ккалли барав?

– Учин бюхъансар, талихI бусса бура куну. Нину-ппу сагъсаламатну бур, ттунна ччисса даву дур, ялув магъи дур. Оьрмулуву бахтти бусса бура учирчагу, къабайкъинссара. Нава ччисса, ттунагу ччисса дакIнил дус хъунаакъирча, хъиннува талихI бусса бура учин бюхъанссия.

• – Ци чIа учинна жула хъаннин 8-мур мартрал къинни?

ЦIанасса заманнай дакъахъунсар дуняйлий дакъаври-яр хъхъичIунсса цичIар, ниттихъал дакIурдий паракъатшиву ликканнав, Украиннавусса хасъсса операциягу къуртал хъуну, цIуллуну-сагъну ичIунмай арсу зана хъуннав. Яларив – цIуллушиву, талихI, чаннасса, ххарисса оьрмулул лахIарду.

Ихтилат бувссар
Аминат АХИМАДОВАЛ



хъурча, харжирах къабурувгун, яла захIматмургу бигъану чIалан дикIайхъунсар. Агарда ттуцIуна ца-кIия зузузалагу ивкIссания, хъиннува ххуйну бикIанссия – ца темалух луглан, ца – сьемкардайн занан, ца текст чичлан. Амма ва каналданый гъарца миллатрая ца инсаннансса бакъа штат ккаккан буну бакъар. Утти гъарца передача лакку мазрая оьрус мазрайн таржума даву тIалав дуллай бур жуяту, цайми миллатирттал инсантурангу бувчIланшиврул. Ва бур даврил яла захIматмур ва чIун лагаймур бутIа. На, ттулассаннуцIун, лазгийл, нугъайнал, цIахъюрдал



ИТНИ, 13 МАРТ
05.00 «Доброе утро».
09.00 Новости.
09.20 «АнтиФейк». (16+).

03.00 Новости.
03.05 «Подкаст.Лаб». (16+).
03.40 «Подкаст.Лаб». (16+).

03.00 Новости.
03.05 «Подкаст.Лаб». (16+).
03.40 «Подкаст.Лаб». (16+).

03.00 Новости.
03.05 «Подкаст.Лаб». (16+).
03.40 «Подкаст.Лаб». (16+).

03.00 Новости.
03.05 «Подкаст.Лаб». (16+).
03.40 «Подкаст.Лаб». (16+).

02.50 «Подкаст.Лаб». (16+).
03.25 «Подкаст.Лаб». (16+).
04.00 «Подкаст.Лаб». (16+).

05.30 «Подкаст.Лаб». (16+).
АЛХИАТ, 19 МАРТ
06.00 Новости.
06.10 «Подкаст.Лаб». (16+).

РОССИЯ 1

ИТНИ, 13 МАРТ
05.00 «Утро России».
07.35-07.41 Вести-Дагестан
08.07-08.10 Вести-Дагестан

07.35-07.41 Вести-Дагестан
08.07-08.10 Вести-Дагестан
08.35-08.41 Вести-Дагестан

07.35-07.41 Вести-Дагестан
08.07-08.10 Вести-Дагестан
08.35-08.41 Вести-Дагестан

07.35-07.41 Вести-Дагестан
08.07-08.10 Вести-Дагестан
08.35-08.41 Вести-Дагестан

07.35-07.41 Вести-Дагестан
08.07-08.10 Вести-Дагестан
08.35-08.41 Вести-Дагестан

07.35-07.41 Вести-Дагестан
08.07-08.10 Вести-Дагестан
08.35-08.41 Вести-Дагестан

07.35-07.41 Вести-Дагестан
08.07-08.10 Вести-Дагестан
08.35-08.41 Вести-Дагестан



ИТНИ, 13 МАРТ
07.00 Время новостей Дагестана.
Итоги.
08.00 «Королева спорта» 0+

04.05 Передача на табасаранском языке «Мил» 12+

04.50 «Арыши на аглу» 12+

Илларион» 12+

04.45 «Молодежный драйфт» 12+

02.50 «Мир вашему дому» 12+

03.50 «Удивительные горы» 0+



ИТНИ, 13 МАРТ
04.55 Т/с «Москва. Три вокзала». (16+).

00.40 Т/с «Объявлен в розыск». (16+).

04.35 «Их нравы».

ХАМИС, 16 МАРТ
04.55 Т/с «Москва. Три вокзала». (16+).

НЮЖМАР, 17 МАРТ
04.55 Т/с «Москва. Три вокзала». (16+).

05.50 Т/с «Визу-знаю». (16+).

АЛХИАТ, 19 МАРТ
05.00 Т/с «Визу-знаю». (16+).

Хъаннил байрандалун хасну

Аьпа бивкIулияр ххувссар

Зулайхат ТАХАКЪАЕВА

Оьрму най бур цила кьаралданий. КIицI дан багълай бур байраннугу, цуксса ламуснугу. Амма чуври льякьин дакIру, чансса дучьурчагу, дигъалаган дансса, сса-свурданий бацIансса гуж? Аьпа ябавриву! Язиминнал аьпа бурччаврил ххуллий цацIун хьун-

«Льякьул дард кьаккакканнав ниттин» учай жула. Амма кьаккарккунгу кьаличIай. Дардирдал видурцIусса хьунни ларгсса шин жула ниттихъан, шахъаннин, ссурвавран. ДакIнил кьювурдал биялалул асар хьунну бас бунни зюннав-дацIулул чIурду. ХъатIалми мажлисиртгаар чIяву хьунни аьпалули мажлису. Ччаврил кьабувччуну, оьрмулия шакаливххун, дунияллия неьмат кьаккаккун, махъ наслу кьабитансса кьисмат кьавхьуну, ватандалул ххуллий жанну дуллунни жула язи-язисса асурваврал.

Шавари хьусса дакIурдишал хьунадакьлай бур жула чIявусса хьами ва базилух интиил байран – Хъаннил кьини.



Ккурандалул актив «Дагъусттан» РГВК-лий

ни хьами. «Ниттихъал кьуват» («Сила матерей») – ттигъанну хIасул хьусса дучьурчагу, цил кьуват ттигу хьхьичI бусса ккуран.

«Аьрасатналниттихъал» тIисса цалагу Аьрасатналниттихъал ккурандалул МахIачкъала шагърулул отделениялул хьунмур Сефижат МахIаммадрасуловал сипталину хIасул хьунни цал Ватсаправу укунмасса группа, яла тIурча - хьуннасса ккуран. ЩубутIуй Сефижат МахIаммадрасулова бия диндалул ккураннал ва «Бизнесрал хъаннил» ккураннашал цацIусса хьунабакъавуртту сакин дулла. Микку кувнал кувна-шалсса маслихIатрай тIий, хIалли-хIалли хIасул хъанай байбивхьунни язминнал аьпа ябаврил ялусса жура-журасса пикрирду. Цивгу бавчунни гъантлия гъантлийн чулийн буклай.

ХIакьину «Ниттихъал кьуват» ккурандалувун бухлай бур сайки кIиттуршуннийн бивсса хьами. Кьювулул цацIун бивсса ссурвал хIакьину цала биялаллий сакин дулла бур, оьрчIру бялахъан бансса хьуннав, цала дард кIидачIинсса хьуннав, жула виртал дакIнийн бичинсса хьуннав, мероприятияртту.

Му бакъасса, хьами, цанни-мцIух ца бувккун, дулла бур арсаврал цIарду абад дансса давуртту. Мукусса давурттал дайдиху дурунни Буйнакскалал райондалул Лувмур Къазанищуллал шяраватусса Ххадиджат Сайкумовал. Ларгсса шинал октябрь зуруй Ххадиджатлун ва ванил ласнал Расуллун, Украиннал аьршарай нанисса хьусса аьрлий операциялий жан дуллусса цала арнал МахIачлул аьпа абад баншиврул, дакIнийн багъунни бугъан багъ. Тих ливтIусса цинявпагу дагъусттанлувтуран цIа куну ахьулсаннул муьрху бугъан вайннан личIи дурунни 90 гектар аьршарал. ХIакьинусса кьининийн «МахIачлул багъраву» «Ниттихъал кьуват» ккурандалул гьурттушиндарайну бувгьуну бур личIи-дичIисса гъаннарал кIиттуршва муьрх. МахIачлул нину-тпу умудрай бур ва багъраву льякьинтIишиврийн цала цIуцIисса дакIурдинсса рахIатшиврул бутIа.

– Вай муьрхирдаву на лу-



«МахIачлул багъраву» Лувмур Къазанишлив



Вирттавал мизит бантIисса кIанттай

глай бура ттула арснах. Шиккун бувкIукун, арс ваца ттула чIарав усса кунна дикIай дакI. МахIачлул хьинну ххирассия муьрху, ххирассия миннуха кьуллугъ буллал, ахьулсса ратIлан, рартIун махъ, оьрчIайх дачIлан. Ва багъраву хьархьсса ахьулссагу жу пикрилий буру дачIлан ахIвал кIюласса кулпатирттайх, мушакъатсса оьрчIансса центрдайх, – тIий бур Ххадиджат.

Багъравун бухлахисса кIанттай бацIан бувну бур МахIачлул хас бувсса аьпалул чару. Шиккува бувну бур увкIма ликкансса къаттагу.

– Ва къатта ужагъну хьун аьркинссар хьусса аьрлий операциялий чувшиврий жан дуллусса цума-цагу аьрасатлувнал кулпатран. Жу шиккун багIавантIиссару чья-ччяни, жула оьрчIру дакIнийн бичаваншиврул, – тIий бур Ххадиджат.

Щил зумату бувксса бурвавли «Хьамитайпа хьхьарану льяхъуссар дунияллийн» тIисса махъру.

Ялун бухьунссар мукун чIалай. Аммарив дахIалай чинсса бур хьамитайпалул дакIнил кьуват!

Ванахха Мисайгу, Буйнакскалал райондалисса Къаранай шяраватусса. Вари Ленинкантлив Вирттаванр цIа куска мизит бансса сиптачи. Ца акъа-акъасса ванил арс СеунгIру ХIусманов, гранатометчик, ташу бувну дачIи шин чIарах дукканнин чувшиврий жан дуллуну, лавгун ур махъ наслугу кьаливчIун.

– Жул оьрчIал оьрмурду бяливчIунни тIутIайх бичлай байбишавривун, талихIрайн букканнин, чIявуминнал - ппушиврул тIин кIул хьуннин. Жун ччай бур жула оьрчIал аьпалул бувсса мизитраву вайннал рухIирдаха кьулгъу-алхIам ккалай. Пикри бур, чIумуя-чIумуйн гивун бавтIун, жула оьрчIру дакIнийн бичаван, цадакьа бачIаван, – тIий бур Мисай.

Ккурандалувусса хъаннил хьин чулий ккавккунни Мисайл пикри, байбивхьунни мунинсса

арцу ратIлай. Ва иширавух хIала бувххунни аьралитал, ишбажаранчитал. Вай иширттаву ккурандалул чIарав ацIлай ур Дагъусттан Республикалул БакIчинал кумагчи Шамил Аьлиев. Тти ва жул кIиттуршва ссил уссур. Мизитрал чIаравна бан дакIний буссар Вирттавал Аллеягу.

Вана ПатIимат Пайзуллаева, КIива мюршисса оьрчIашал шацIарну ливчIсса. Вари оьрмулул чагъираву чувшиврий жанну дуллусса вирттаврая «Аьпалул лу» чичинсса сиптачи хьусса. Хьусса аьрлий операциялий кьуллугърал бурж биттур буллай оьрму бяливчIссар ванил аьзизсса ласнал Убайдуллагьлул. Арулла шинавусса ванил арс МахIаммад тIурча, хьхьичIа-хьхьичI увкIунни, Вирттавал мизит буллалиссар тIисса хавар цанма баяйхтува, цала «копилкагу» аьч дурну, гиву дуцири арцу ларсун.

Кьабигъар аьзизминная «уссия» тIий буслангу, чичлангу. Оьрмулул яла захIамтилахIарду цIунилва-цIунил дакIнийн бичлан. Амма аьпа – бивкIулияр ххувссар! Ххару мукуваву бявххун нарчагу, буккантIиссар дунияллийн «Ниттихъал кьуват» ккурандалул биялаллий ва кашилуцIух итабакьин дакIнийсса жула вирттавраясса лугу, тайннал чувшиву хьирив нанисса никиран эьратну личIаншиврул.

Цукунссар ва ккурандалуву ттулмур гьурттушин?

Ттунгу духларгуна дуниял, жула мукува ссил дянив увагу усса ца язисса арс Алик акъа-ссар тIисса хавар баяйхту. Бавшуна ссавний баргъгу, левшуна цIурттигу. Ссил арснацIа хьусса кьювулул ялун яла кьалаглай дия уссил кIиягу арс ттигу дяввилул цIу кIириний ушивриясса дард-хажалатгу. Ва хIалданий лавгуна шанма-мукува барз, даврийн букIлай-къабукIлай, бувкIнигу, дакI даврихух кьалаглай, пикрирду аьрляллил аьршарая батIин кьахъанай. ДакIнийхтуну барчалагъ тIий бура ттула каялувчинахъ, «Илчи» кказитрал хьунама редактор Руслан Башаевлухъ, дазу дакъасса инсаншиврулу, ттул дакIнил хIал бувчIлай, на ттуйнма нава бучаннин авара кьабувну битаврихлу. Ттула оьрмулул кьуниясса шинну харж дурсса, дакIнил ларсьсса даву кьаритансса пикригума бухлан бикIайва бакIравун. Бюхъайва мукун хьугу-хьун, агарда, хаварбакъулий нава бакIрайн багъсса ца хьунабакъаврий, хьусса аьрлий операциялий цалчин Аьрасатнал Виричу хьусса НурмахIаммад ХIажимахIаммадовлул ниттил Ссапижат Мазаевал цилла-муницIун ттулмур дакIгу дацIан кьадурссания.

КIицI бан багълайгу бухьун Аьрасатнаву так Дагъусттаннай дакъа-дакъавиву. Социал сетирдаву «Ниттихъал кьуват» ккурандали хавар бавну, запарал хIаписар Олег Марзоевлул маслихIат бунни ккурандалул даврия бусан, Ухсавнил АсатIиннал ниттихъашалсса хьунабакъаву сакин дан Владикавказрай. Ва пикри хьин чулий ккаклай, ккурандалул каялувчи Сефижат МахIаммадрасулова дакIний бур «Ниттихъал кьуват» ккуран цал цайми регионаллийнгу, яла федерал даражалингу дуккан дан. Хьуннасса дур гъашинусса шинал дансса давурттал сияхI. Кьахьуннав хьунна ккурандалувусса ниттихъалмур сияхI!

«Илчилул»

календарь

Ва нюжмардий бувссар

Март зурул 6-нийн 1947 шинал бувссар ДР-лул культуралул министрнал хьиривчу, Лакрал театрданул каялувчи **Бадрижат МахIаммадIажиева**.

Март зурул 8-нийн 1939 шинал увссар Дагъусттаннал халкъуннал чичу **Мирза Давыдов**.

Барча бавуртту



ДакIнийхтуну барча дулла бур жула ниттихъахъ, ссурварахъ, душваврахъ, дакIнил ва оьрмулул дустурахъ Хъаннил байрандалул кьини! ЧIа тIий буру вайннан чIярусса ххаришивуртту, ххуйшивуртту, дунияллий ва ичIура паракъатшиву, нахIу-хIалимшиву, дявви-давлул чIурду бухлавгсса шинну!

Ваччиял жяматрал ккурандалул цIания **Давди УВАЙСОВ**

Баян

«Илчилий» бишлашис-са барча бавурттал текстру буссар укунсса багърал лагурий:

укуннасса барча баву – 200 къ.
суратрашалсса барча баву – 500 къ.

Объявление

КВАРТИРЫ ОТ ЗАСТРОЙЩИКА

В разных районах города Махачкалы с котлована.

Варианты – рассрочка, без первоначального взноса, материнский капитал, авто, полная оплата.

Туралы Старая Каспийская трасса Северная автостанция, Ленинкент Южная автостанция, А. Султана

Справки по тел.: 8(928)5069090



Адабият
лаҗин

«Вил чалагъайгу ссихир»

МИРЗА МАХИАНМАДОВ

На вийн хаин хьуссар тий,
Ххиратур, вихь шил бувсри?
Циван буракъай аьтгий,
Вих машара, щялмахъри.

Бувсхурча му вихь бургил,
Баргь ттуруллул буганнав.
Бувсхурча вихь цузурул,
Такуй ккуркки къахьуннав.

Агар вихь му бувсхурча,
Энадрай, члахувдушнил,
Зайгу къаучиннача,
Къабучиннав цув ччаврил.

АБЛИ АЙДАЕВ

Кьини ацгийла щинав

Кьини ацгийла щинав
Кьурван-Патимат лагай.
Ацгийллагу ганища
Ибрагьиннул щин хлачай.

Чун ххилай бурвав ххуй душ,
Пяп-чарил дуллай бурвав?
Чун рутлай урвав ххуй оьрч,
Хханххираву цу дурвав?

КАЗБЕК МАЗАЕВ

– Агь, тугтив, ятул тугтив,
Ктурукуй ятул тугтив,
Някми тугтайх дирчуну,
Зу циванну ларкъусса?

– Някми тугтайх дирчунни –
Ина Лаккуйва уну,
Жугу тугтайх дичинну,
Зана шайхту вил ччисса.

БАДАВИ РАМАЗАНОВ

Дакний бакъар вил чурххай
Ятул гухъа бивкшиву,
Ятул нур дия чалай
Вил чанна сипатраву.

Дакний бакъар вил ччаннай
Лухи ттуплив бивкшиву,
Дакнивун бия къутлай
Вил лухисса жавгарду.

Дакний бур гикку ина
Дакнива бувсса гьалга,
Бяълилуд ранггу хъанай,
Бакччаннавун буруглай.

АБАКАР МУДУНОВ

Ихтилат

– Ххярхривав, къаххярхривав
Маршай кьирмузи тугтив,
Жуннийн та бучанавав
Жигъан – хьорухъ багь чанттив?

– Кьирмузи тугтив маршай
Цакьнира хьяувкунни,
Жигъан жалинну лавгун
Нюжмар чарах дурккунни.



Чув ивкгра, багдаурай,
Тугтал къанкъ лялияннин,
Чил хъаралу ччиссанул
Ктукулусса кюру баннин!

АБАЧАРА ХИУСАЙНАЕВ

Шамайчансса чагъар

Ца-ца чумал архсса аьзиз зунтгавун
Щугьлурдал гухъаллу итадаркъувкун,
Аьжайвну ххуйсса гьаьндадувух
Аьзисса сипатру дачай ттул хьхьичух.

Вай итталун дагьсса сипатиртгавух
Хьурча ина аьлтту, кагъраба чанттив,
Хъамаритай виха шалла дуниял,
Сукку шай ттул мурччив вихь ихтилат бан.

Ттуршвахъул ккулларду чарах гьарчагу,
Икьавчайни дакъа, шаву къархьунни.
Минардал цалцалгу цими буннихха:
Ва вил ччаврил гужрив, ттула бахттирив?

АБДУЛ МИРЗАЕВ

Вил бавал ттухъ куссия:
«Бархъаллал душнил хьирив

Чярусса хьус дулайссар,
Душнил хьирив дулунсса
Хьус на тгалав дуваннин,
Ссавур дуван багъанссар».

Вил бавал хьус дуваннин
На ссавур къадурссия,
Инанияр ххирасса
Ттун цамур ци дуссия?

МАХИАММАД-ЗАГЪИД АМИНОВ

Вил чалагъайгу – ссихир,
Чаргас яругу – ссигъа,
Чарав бакъанийгума,
Чалачин дакъар виха.

Нажгь архал бизарча,
Архала цама шара:
Аьршарая ссав хьуну,
Аьсса-Ххуллийх ачара!

Къактулли вил мукъулгу
Цими диктайрив мяьна,
Миклачавай, ассавай,
Ацва жура шара на.

Цанни вил иттархьенну
Ляличину лахъисса?
Цанни миннул гьарца липи
Ттул дакний личлачисса?

Агь, ва макрив, ва чихьрив,
Юхсса чихьрасса макрив:
Вих буруглан ттуршва я
Хьякуну бур ттул дакний!

МИРЗА ДАВЫДОВ

Чалагъай кутлу матра

Бюхтту-бюхттулингу лахълай,
Чалагъай кутлу матра,
Чалагъайлийн муниллица
Ва ттул дак дуккан дурсса.

Палца ти буллай халлурду,
Мурчи-чавк маулларда,
Миннул лахъишивруллица
Дяйкьин дурсса ттул хьхьурду.

Авцунни ттул чарах бацлай,
Цуркни мабуруларда,
Ми лухи ярунналлача
Авцусса на шалава.

Вил нитил мархь кутлу буллай,
Ина ка галай дуллай,
Вича ччисса ва ттул чурххай,
Валлагь, хал къаливчунни.

Бюхттул цияллаингу лавхъун,
Зункуллай мабацларда,
Бавцукун, ттухъу булуси
На чув ацантиссарив.

АЛЕКСЕЙ АБДУЛЛАЕВ

Чаххувшар ва на

Личай дагъанттува
Бургил яргсса цай,
Чаххуврал ларзулу
Яргсса цай бацлай.

Дуккай курчушаргу
Ларзулун шадну,





Къасттирашал бугъан
Ттул бургъил чѣлму.

Ттул дакъари шарсса,
Акъар танил лас,
Акъара на жагъил,
Тагу бакъар душ.

Цалчин ччаву дурсса
ОърчІ ва душ кунма,
Цанъявав махъ бусан
Сикъасласисса?

ТалихІрал нур дусса
Ца интнил къини
Ккуру битав махъру
ХІадур къабувсса:

Ттул дакъари шарсса,
Акъар вилгу лас,
Бачу цачІу дугъан
Оърмулул хъарас!...

РУСЛАН БАШАЕВ

Къюнукуьул арив

Чивисса сонет

Арив ина бияв
Къюнукуь батІлай.
Уруглай уссияв,
Яру къабатІлай.

«Къаччав къюнукуь?» –
Ца чаннал тІмуну,
ТтучІан ка тІртІуну,
Ина куна, хъяй.

Агъ, кІива хумарсса,
Къюнукуь кунмасса
Вил яру ция!

«Къюнукуьул къункъаву,
Ина ттул мукъаву
Бура», – куссия.

ХІАЖИАЪЛИ АЪБДУЛЛАЕВ

Бити, душ, вийну ттун
Мурад къабулун,
Оърмул-оърмулухун
Ина тІий личІан.

Так на талихІ бакъун
Ккалли маара,
Вихсса ччаврил хІасрат
Ттул талихІрича.

МАХІАММАД ЩЕКЪИЕВ

КъабикІу

КъабикІу, матІра ттухъ
кІинтил дякъия!
Ттун ччай бур гъалгъа тІун
щюлли хъхъиря,
Мусил оърчІшиврия,
чанна ччаврия,
Ччай дур хъхъирил лагма
тІутІал хІашия.

КъабикІу, матІра ттухъ
ссутнил мурчая!
ДакІ аъчух дуваймур
гъилисса гъия,
Ттун ччай бур гъалгъа бан
ххяххабургъия,
Хиял гъуркку буллай,
ларчІсса гъарая.



Сурапту К. Чутуевулу

ИСМЯИЛ ХІУСМАНОВ

Щюлли къур

Агъ, щюлли къур,
Цумари
Вих ябитан хъул бакъу?
Хъурдай къурув
Ца гъаз бан
Бархъарадушнил къукъу!
Къуппан-тІутІив
Мяш тІисса
Ххаллилли вил чІюлушин.
Агъ, щюлли къур,
Уца на
Хъхъемавух ккуру ишин!

СИБИРБАГ КЪАСУМОВ

Чѣрагъи

Ккавкссарив, дус, вин ссуттил
Гъинтнил гъантта цІу лавгун,
Хъахъи ларгсса хъу-лухччи
Щюнища вирин дирзун?
Агъ, дуккайча цакуну
Ца дакІ мяшсса къинирду,
Лазатсса дюхлулувух
Гъили буллан бургъилу...

Интнил дукъарччу дакІнийн
Ттуршилул дяркъу шуну,

Адабиятфал
лаџини



Дуссия ттулгу чІантІив
ЧІун дакъа силул хъуну.

Мусил лачІал лизурдах
Щюнища вийн я шуну,
Чѣрагъи дайдирахъунни
Гъапул ларгсса дакІниву.

РАМАЗАН РАМАЗАНОВ

Щюлли къурув

Ххяххабаргъ.
Неххал зума.
Хъамара бивчу щатІив.
Ттул «хъурдайгу» кІюрххилва –
Дуллай кІяласса тІутІив.
Щюлли къур.
Дюхлул къатта...
Зурзу тІий – урттуй чани.
КІункІу тІий мурчал хъири
ЛухИи-цансса хаятІив...

СУЛАЙМАН ЧУГУЕВ

Агъ, хъхъунил ххуйшиву, цІурттал яргшиву!
Гъавасрал тІуркІу бур кайп хъу дакІниву,
Ттул чурххайх бившунни виясса хІукъу –
ХІавчІссаксса хъуннахха шарабрал къукъу.

Ттул мурччай ливккунни вил ччаврил зурзу,
Ххяхбувккун лавгунни хІаярал гъухъа,
Жуйхва кай-кай хъуну куклусса кувку,
Караматрал чІануйн бивтунну ккуру.

Арцул хъазам шюшлай – зурул чанигу,
Ччанавкку кІизувух – хъхъунил дюхлугу,
Ва шала дуниял – инагу, нагу,
Гъарзадрал мягнагу – ца вил мукъуву.

ХІАСАН КІУРУХОВ

Ттун ца пиш гъа шай

Чаннаву хъюлчай тІий, чІурдаву гъанай,
ЧІмучІалттул кунна, къини лахъара.
Щан-чани хъячиннин вил ца тІий занай,
ЦІурттигу, цІубарзгу бизар бувара.

Рангру, рангру дачІлай, ттуршва жура шай
Бургъил тІиму шусса щинал кІунтІгума,
Ттунгу, туну, ххирай, вил ца пиш гъа шай,
Щала къини занан Зал-идав куна!

АЪВДУЛМАЖИД ИСМЯИЛОВ

Хъхъемал пар бившусса
Мюршисса чІапІив,
Къанийх ца-ца дагъсса
ЧІюлусса тІутІив:

ТІутІал дянивухсса
Ххуллийх ялавай
Най бура инагу
Оьллааривппай.

Уртту-тІутІал хъюлчу –
Вил дакІнил макъан...
БучІиссарив, ххуй душ,
Вил хъири лаян?



Хъаннил байрандалул ХъхъичI гъантрай «Единая Россия» партиядул хъаннил-мур ккурандаул хасъсса аьр-лий иширттаву гьуртту хъанахъ-иминнал кулпатру барча бунни уттигъанну зун бивкIсса «Мариян» центрданий.

П. РАМАЗАНОВА

Мероприятие дайдишин хъхъичI хъамаллуран ккаккан бунни центр. Хъунабакъаврий бия жяматийсса ккураннал, МахIачкъала шагьрулул администрациялул, паччахIлугьрал органнал вакилталгу. Аьралитурал хъами барча баву бакъагу, шикку гъаз бунни ми кулпатирттал агъамсса масъаларттугу.

Хъаннил байрандалун хасну «Мариян» центрданий



«ХIакъину жу хъунабавкъуру аьралитурал хъаннишал, вай барчагу бунан, вайннун жува цала чIарав бушивугу ккаккан бунан. Талаталтрангу кIулу бивкIан аьркинссар цалва кулпатру къулагъас дакъа къабитантIишиву, бунан аьркинсса кумаг бунантIишиву», – увкунни «Единая Россиялул» хъаннил ккурандаул координатор Елена Ельникова.

Хъаннин пишкеш бунна тIутIал кашIругу, «Дагъусттаннал бусаларду» тIисса турагентствалул чулухасса сертификатругу – шалва кулпатрашал Дагъусттаннай чунмай-бунугу экскурсиялий буккансса.

Дагъусттаннал Культуралул министерствалул ккаккан дурна ххуйсса концерт.

Магьирлугъ


Хъаннил ххуйшиврул ясир увсса художник

Бархъарав лавгсса чIумал, кIикку миллатрал лаххиялувуса душру ккаккун, художникнайн миннул асар бивну хIасул хъусса произведение бур «Бархъара душ». Жунма ва суратрай чIалай дур зунттал душнил яла язими хасиятру цивунна ларсъсса сипат: пикрирдал марцIшиву, хъхъичIун бургаву, ссавур душиву, иминшиву. Гъаннайсса, Къавказнаву, хасну Дагъусттаннал культуралувугу къиматрайсса лишанну дусса ххаллилсса сипат. 1980 шинал дирхъусса ва суратрал цалчинмур вариантту яхъуну дур. Художник 16 шинай ва суратраха зий ивкIун ур, дахханашивурту дуллай, так 1996 шинал дурну къуртал дуресса сурат агъалинал хъхъичIун дуккан дурну дур. Хъаннил сипат аьч дуллалисса суратирттаву ччянира дирхъусса суратру дур: «Жалин», «ДакIнил макъу Мариян», «Душ Фатима», «Барият». Магьирлугьрал дуниялийн художник хIадурнувасса усттарну увкIун ивкIун ур. Мунияту ванал суратирттаву усттаршиву магьир хъанахъаврил, учиннуча, мунил эволюция лякъин къахъунссар. Вай жагьил заманнул чIуннардий дирхъумири, вай махъ дирхъумири куну, личIи дуван къахъунссар. Ми циняр лахъсса усттаршиврул даражалийсса дуну тIий. «Жалин» – буттал къатта къабитаврия пашмансса, кIулбакъасса душнил сипат дур. Дагъусттаннал аьдирттайн буну, душру ччянива шар булун учай. Жалиндаул махъ ванил ссурвал. Жалин цупамур цукуннив пашманну бур, ванил яруннаву цIай бакъар. Укун бухъурчагума, душнил сипат ххаллилли. Суратрай хъинну куртIну ккаккан буну бур ванил дакIнил хIал, тагъар.

«ДакIнил макъу Мариян» тIисса суратрай варакъи хъарайсса чIавадуш бур. Ва КIямашатусса Мариян МахIаммадовар тIий бур, ванил сипат шалла холст дургъусса дур. Ва аьчухну буруглай бур. Ванил ябитавриву цукуннивсса паракъатшиву, тазашиву дур, буруккин бакъашиврул мугьру бур. КIунттихъугу ятIулсса тIутIи дур. Ва чIирисса штрихрал чIавадушнил лирикалул образ ягин дуллай дур.

Художникнал цIа диялну гъазгу, машгьругу хъуссия «Имам Шамил» ва «Шамиллул

Дагъусттаннал машгьуресса художник Альберт Хаджаевлул творчествалуву язимуни ккаллину дур «Бархъара душ» тIисса сурат. Ваниха чIярусса шиннардий зий ивкIессар художник. Ванийн дагъусттаннал «Мона Лиза» учай. Ва сурат дуссия Москвавилсса «Диалог культур в пространстве академической школы» тIисса выставкалий ва тикку ванин лахъсса къимат бившуссия Аьрасатнал Художествалул Академиялул каялувчи Зураб Церетели. Яла махъату ва сурат дуссия Парижлив, ЮНЕСКО-лул штабквартиралий хъусса Аьрасатнал художниктурал выставкалий.



«Бархъара душ»

внучка Написат» тIисса портретру дувайхту. Вайннухлу ва лайкъ хъуссия Щаллагу дуниялул халкъуннал дянивсса комитетрал чулухасса Барчаллагьран ва Хаджаевлул дирхъусса Имам Шамиллул суратрайн чIявусса художниктурал яла чул бившуссия, ккаккиялунсса сурат хIисаврай.

Художникнал дирхъусса хъаннил суратирттаву язисса кIанттай дуссар Дагъусттаннайсса цалчинмур леххул-хъамитайпалул, Буттал кIанттул цIанийсса дяввилий гьуртту хъусса Бавер Жъпаровал сурат, лакрал балеринал ва хореограф Тарият Къапиевал, къумукьнал поэтесса Жаминат Каримовал сурат. Вай цинярда суратирттал цилва-цилва оьрму бур, художникнал суратру дишайни холстрейсса гьар-



«ДакIнил макъу Мариян»

зат хъинну хIисавравун ларсун, гьармуниву рухI дишинсса куцуйсса давуртту дур.



«Поэтесса Жаминат Каримовал» ва «Ккуркуллал Щазал» суратирттах, шинну ларгун мукъах хIисаврай ябитарча, къулагъас дансса кIану бур укунсса. Жаминатлул сурат дур уттизаманнул интерьер дусса: луттирду, панно, чIивисса стол, чIамуйсса Лермонтовлул сурат. Цува Лермонтовма цамур заманнул герой ур. Ухъурчагу, ванал ва Жаминатлул сипатраву цалархъхъусса хасият чIалай дур, цакущуйсса тарг. Ялун бурган паракъатну чIаларчагу, Жаминатлул дакIнил гьулусаншиву, аьратталшиву, аькълу. Жаминат абадлиймуния ва лараймуния пикрилий бунуккар. Абадсса дур Лермонтовлул ва Ккуркуллал Щазал творчествату. Щазал симан художникнал ккаккан дурну дур тIабиаьтрал ланттулий, ливцIусса, марцIсса зунттал гъава, мурчал шуршу, лиссурду хъусса дугъай хъуруннал панорама, зунттал душ вив лавсъсса зунттал тIабиаьтрал пахъдагьру. Мурчал ванил лачак палцIа тIутIи дурну дур, ванил дакIгу паракъат дакъа дур, буруккинттал видурцIуну.

«Шикку къанкъану бавцIуну

«Имам Шамиллул арнал душ Написат»

бивкIессар» тIимур сурат Хаджаевлул дуресса суратирттавацца яла хъхъичIунмурну хIисав хъанай дур. Ва дяввилий талай бивкIесса, гьурбатрай гьаврду нясив хъусса вирттарал аьпа абад буллалисса сурат дур. Холстрей ккаккан буну бур дардирал кIибахIин бивсса хъами: ниттихъул, ссурвал, душру ва вайннул дазу дакъасса кьурчIишиву.

Художникнал суратирттаву ляличиссану дур «Ттул къини» тIисса сурат. Ваний художник шавкъиярун утлатисса Муза ккаккан буну бур. Хъамитайпалул сипат вив ларсун дур мукъра затрал – шинал, аьршарал, цIарал ва гьавалул. Муза гьаваллаву, аьршарал ва шинал ялтту гъава буллай бур, ванил сипат бургьил тIинттаху чIалай дур. УрчIахсса мурцIув чIалай бур художникнал чIивисса къалип, ва тамаша буну ур цIусса оьрмулул лишанну хъанахъисса лахIзалий, кIюрхъахъа тIутIаврий.

Мадина ХАДЖАЕВА
Таржума
Патимат РАМАЗАНОВА

Цуллау-сагъшиву Лахъай азардаша оьрчIру буруччин

Ларгсса нюжмаркьини «Дагъусттаннал правда» кказитрал ре-
дакциялий хьунни полиомиелит къадиансса прививкартту ду-
вавил тема ххал дигълагъисса пресс-конференция. Республикалул
журналисттурал суаллахъхун жавабру дулун бувкIун бия Роспо-
требнадзорданул Дагъусттаннайсса хьунама Залимхан Оьмариев,
цуллаушиву дуруччаврил министр Татьяна Беляева, кIулушиву ду-
лаврил ва элмулул министрнал хьиривмур Аида Далгатова.



П. РАМАЗАНОВА

Залимхан Оьмариевлул був-
суна, оьрчIру оьсса азардания
буруччиншиврул, ца къахун-
мур хьуннин, полиомиелитрал
прививкартту дуван багъла-
гъисса тагъар душврия. «При-
вивкартту дуллалиссар Ухсав-
нил Къавказуллал мукъра ре-
спубликалий: Дагъусттаннай,
Чачаннаву, Ингушетиянаву ва
Къарачай-Чаргаснаву, шанма
барз хьусса оьрчIаяту байбв-
хьуну, урчIра шинану бивсан-
най. Полиомиелитрал привив-
карттал оьрчIру, ва азардания
бакъагу, цаймигу лахъай азарда
мурахас буллалиссар. ЖучIава
медициналул учреждениярт-
таву буссар вакцина «Пентак-
сим», ванил захIматсса хьюра
лахъай азардания буруччачис-
сар. Прививкалия цукунчIавсса
зарал оьрчIал цуллаушиврун
бакъассар. Прививкартту дан
къабучIиссар ракрал азарда-
нул къашавай ухьурча оьрчI,
ягу ВИЧ дукъурча, мукунма
къабучIиссар аьккьу-гъили ху-
ну инжитну (грипп ягу ОРЗ) дус-
са ппурттуву, къубучIиссар тем-
пература гъаз хьусса ппурттуву-
гу», – бувчIин бунни Залимхан
Оьмариевлул. Татьяна Беляе-
валу чIурчIав дунни прививка-
лия цукунчIавсса нигъ къадикIан
аьркиншиву, махъаллил хъанахъ-
исса нину-ппу, цалвами оьрчIал
оьрму нигъачIисса тагъардану-
вун бутлай бушивруцIун, лагма-
ялтгусса оьрчIал бучIантIимунил
ялувгу пикрибакъулшиву дуллау
бушиву.

«ХIакьину вакцинациялул
цалчинмур турданул лагрулий
республикалий 149 азара оьрчIан
дурссар прививкартту. Ми ду-
ван хъхьичI чара бакъа оьрчIал
цуллаушиврул тагъар ххал ду-
вайссар хIакьиннал, так муния
махъри прививка дувансса
къадувансса хIукму къамул бу-
вайсса. Республикалул циняв
медициналул учрежденияртта-
ву буссар вакцинартту. ХIакьину
жул хъхьичI бавцIусса масъала
бул, нитти-буттахан бувчIин бу-
ваву прививкарттая зарал бакъ-
ашиву. Мукъва гъанттар жул
унгу-унгуну прививкартту дул-

лай. Вай мукъва гъантлул лагру-
лий прививкалул побочка хьус-
са цавагу иш къавхьунни. Агарда
хIакьин прививкартту мадувару
тIисса маслихIат буллау ухьурча,
мунал маслихIат преступления-
лун ккаллиссар. ХIакьинтурал,
хIакьину оьрчIру му баласса
азардания буруччиншиврул,
нитти-буттахан бувчIин буллау
аьркинссар нигъачIисса тагъар
душиву. Жунна му азар хъама-
раритавай дуссия, цуницакул
ппив шавриясса нигъ духъув-
кун оьрчIру буруччин багълай
бур», – увкунни Беляевал. Гъаз
бунни прививкартту дурми ва
къадурми школартай личIи-
личIину шьабтавил масъала-
гу. «ОьрчIал багъирдаву яла-
гу бигъар прививкартту дур-
миннал ва къадурминнал груп-
парду личIи буван. 1403 шко-
ла бусса республикалирив, му-
кунсса кIибачIаву дуллау бигъа
бакъар. Гъарца школарул
хъуниминнал цала хIукму бу-
ванссар, цукун, ци журналлий ду-
ванссарив кIибачIаву, ягу сме-
нарду личIи буван, ягу дистан-
цион къайдалийн рутан дарс-
ру», – увкунни Далгатова. Сто-
ловайрдаву, переменарттай
оьрчIру кувннан кув ккаклака-
рил хIакъиравугу ванил бувчIин
бунни полиомиелит так хьур-
хъуа ва хIажатханттувусса ча-
палшивруа диягъисса азар души-
ву, чара бакъа марцIшиву ду-
руччин лахъхьин буллау аьр-
киншиву оьрчIан: дукра дукан-
нин кару шюшаван, мукунма
хIажанханттувугу кару ххуй-
ну шюшаван, цаманал тIахIни-
кIичIулува ххув къаучаван. При-
вивкарттал хIакъираву къалпса
хаварду ппив буллалисса инсан-
турал хьирив лаян аьркиншив-
риягу гъаз бувна ихтилат. За-
лимхан Оьмариевлул кIицI лав-
гуннин жучIава, Дагъусттаннай,
кунма, дунияллий бакъашиву
вакцинардайн къарши булакис-
са цамур кIану, полиомиелитрал
вакцинагу ххалахи бакъар, му-
нил побочка дуресса ишгу шана-
зарунниву ца иш лякъин бюхъ-
айссар, республикалийсса ста-
тистика хIисавравун ларсунгу
ххюра шинал лажиндарай цава-
гу вакцина оьнийн бувксса иш
къавхьушиву.

Медициналуву гинеко-
логия ца яла мугъаят-
ну ва личIулну бикIан аьр-
кинсса хIакьиннал пиша бур.
ХьунмурчIин вай хIакьинтурайн
хъар хъанай дур хъаннил
цуллаушиву дуруччаву ва мин-
нал цуллаусса оьрчIру баву.

МахIачкъалаллал 3-мур
хъаннил консультациялул хьун-
мур хIакьин Мариям Цаххае-
вал ца дургъуну букIлай бур
чIявусса душру-хъами. Ва маш-
гъурну бур цила пиша ххуй-
ну кIулсса хIакьин-гинеколог
хIисаврай.

- Мариям, буси виятува,
хIакьиннал пиша язи бу-
гъан ци савав хьуссарив.

– На бувссара 1968 шинал
Каспийск шагърулий. Хьунма
хьуссара буттал ниттичIа. Ттул
ппу Руслан ва нину Саманият
Хъювхъиял шяравасса бур. Лас-
нал Русланнул ппу МахIаммад
(аьпа баннав цал) Буршиял шя-
равасса ия, ванал нину Пазилат
Читтуратусса бур.

МарцIсса хьювардай 8 клас-
сгу къуртал бувну, дуклан був-
хссара Каспийсккалал медуци-
лишалулун. Гъирарай дуклай,
мукунма хъхьичIунну къур-
тал бувссия медучилишагу.
ЧивинияцIава хирург хьунсса
хияллай бикIайссияв. Муняту
тун пикри хьуна Мединститу-
травун буххансса. Бувххун, цал-
чинмур курсирай шар хьуссияв.
Цалчинсса оьрчI байхту, тун
дукваву цахъис захIмат хъанан
диркIуна. БувчIан бивкIуна
хирургнал пиша хъамитайпа-
лун захIмат хъанантIишиву. Яла
ттулмагу пикри хьунни гинеко-
логнал специализация язи ду-
гъансса. Дуклакисса ппурттуву
ттул бия мюршисса кIива оьрчI.
Кумаграх мюхтажсса чIумал,
оьрчIах буруглай хьунсса ку-
маг бувссар ласнал ниттил. Ттул
дукваврухун дайшишру къа-
хъуншиврул мунил хIатта цилла-
мур карьера къариртуна.

МахIачкъалалив КIилчинмур
роддомрай ординатурагу къур-
тал бувну, зун байбвхьусса
республикалул гинеколог, про-
фессор Тамара Хашаевал кая-
лувшиндаралусса Акушерства-
лул ва гинекологиялул кафедра-
лий. Бахтти хьушиврун ккалли
бара ттула захIматрал ххуллу
укун ххаллиссса пишакарнацIун
бавкIуну бивкIшиву. Му бакъ-
ассагу, на зун байбвхьусса
чIумал, ттул тIайлабацIу хьус-
сар цаймигу цIанихсса, ххал-
лиссса пишакартурал чIарах
лякъаву. ХIакьинусса кьинигу
барчаллагърай бура тай шин-
нардий МахIачкъала шагъру-
лул Цуллаушиву дуруччаврил
управлениялул хьунмурну зий
бивкIсса Тамара Маммаевнайн,
шагърулул КIилчинмур роддо-
рал отделениялул заведующий
Сунгъуров Къурбан Закаржае-
вичIулун (аьпа баннав цал).

- Ци ккалли бара вила
давриву яла агъаммур-
ну?

– ХъхьичIва-хъхьичI, жула
сияхIрайн лавсэсса хъами-
душру цала-цала мурадиртайн
биян баву.

- Саясса бикIай ви-
чIанма букIлакIисса
къашайшалтрал шика-
ятру?

– ЖучIан бучIайсса
хъаннил цIуру-кIуру бикIай
воспалениярттацIун, гормоннал
тагъар даххана шаврицIун, оьрчI

Хъаннил цуллаушиву дуруччаврил цIаний

«Хъамитайпа шинай цал бухъурчагу
гинекологнацIан бияван аьркинссар»



Мариям Цаххаева

луву хьуна. Ттула кумаграцIух
мунил мурад бартбигъаврия
хIат-хIисав дакъа ххари хьуну
бивкIра. Мукунсса масъалартта-
шал ттучIанма бувкIсса душва-
ран ттушава кумаг бан бюхъав-
рия рязину бикIара.

- Цукунсса дур цIанасса
ппурттуву оьрчIру бав-
рил тагъар?

– ХIакьинусса кьини цIю-
рукъусса масъала бур оьрчIру
бакъасса кулпатирттал масъа-
ла. Хъаннил консультациялул
сияхIрай 400-нийн бивсса му-
кунсса кулпатру бур. Ми кул-
патругу, жучIава ххалгу бивгъу-
ну, хIадургу бувну, уква ОМС-
райн Республикалул Кулпа-



АрхIал зузиминнацал

тирттал цуллаушиву дуруччав-
рил центрданыйн, ягу Санкт-
Петербурглив ЭКО-рду дан
тIайла буккайссар.

- Ци маслихIат ккакка-
вияв ина душру-хъаннил
цуллаусса оьрчIру баву
ва миннал цуллаушиву
дуруччаву мурадрай?

– Чурххай цIакъ бунува,
чIумуй шаргу, хьуну, оьрчIру
бан маслихIат ккаккавияв.
Ниттихъахъ, душваврахъ му-
дан тикрал буллау бикIара: жа-
гьилну буну дуруччара зулла
цуллаушиву. ХъхьичIва-хъхьичI
кIулну бикIан аьркинссар хъа-
митайпалул ххуйшиву так мунил
цуллаушивруву душиву.

- Буси вила оьрчIаягу,
бувгъури минналгу
хIакьинтурал пиша?

– Ттул хьунама арс, ЯтIул
дипломрашал Дагъусттаннал
паччахIлугърал университет,
къуртал бувну, экономикалул
элмурдал кандидат хьунни.
КIилчинма арсалгу, мува вуз-
рал экономикалул факультетгу
бувккуну, аспирантура бувккун-
ни. Душ Дагъусттаннал медуни-
верситетраву дуклай бур, педи-
атрнал пиша язи бувгъунни.

- Мариям барчаллагъ
вин аьчухсса ихтила-
трахлу.

Ихтилат бувссар
Имара САИДОВАЛ

Интервью

«Гьарцагу редакция — мини-холдинги»

Дагъусттаннал миллатирттал СМИ-рду хIала бавкъуну холдинг дуваврил хIакъираву биялсса авазга гъаз хъунни. Ва иширал муттаэталу бур, дусталу бур. Ва цIусса структура хIасул шаврия, ва ци мурадрай хIасул дуллалиссарив «Дагъусттан» Этнохолдинг-рал» хъунама Арсен Юсупов буслай ур «Дагъусттаннал правда» кказитрахъхъун дуллусса интервьюраву.

• – Арсен Гъазимахаммадович, байбишинну агъаммуния: ци мурадрай хIасул дурсса му структура?

– КутIану дулунна жаваб. ЧIаву миллатру бусса жула республикалий жулва гъанурдал, бакIшарашал хIурмат лахъну буссар. Гьарца миллатран мазгу, аьдатругу гъанур. Угги зува пикири бара, ми гъанурду лекъан, хIура-чIула буккан бувансса пикири шил бикIайссар, республикалул СМИ-лул структуралу-ва миллатирттал мазурдийсса изданиертту дуккан дуллан цу икIайссар? ДухIиндарал шаллу акъамари икIайсса. Миллатирттал мазурдийсса кказитру, радио, телевидение дикIантIиссар, зунтIиссар, так уттизаманнул тIалавшиннардацIун даркъуну хъхъичIуннай хъанантIиссар. ТIардал, гъану бакъасса хавардал хъу къадугъайссар, бакъамуних луглавагугу ссайнчIав къабуккайссар.

• – Циванни, туну, му дари-рил муттаэтал бивксса?

– ТIайланма учинна, на навагу миллатирттал СМИ-рду цацIун дурну холдинг дуварийн къарши увкмаив. Ва иширал хIакъираву антесса ихтилат хъуссия Дагъусттаннал Печатьрал ва информациялул агентствалий, республикалул жьамтийсса ишккакултрал ва ма-съала гъаз бивксса, биялсса авазга бувтуна, аьлагъужа гъаз бувна ссаву ци буссарив бувчIин къаччиминнал. Иширив укунни бусса: паччахIлугърал 13 мазрайсса кказитру цамур къайдалийн бу-цинсса хIукмур бивксса. Циван? Редакциярдал творчествалул ресурс сантирай ва лябуккулий ишла дуваншиврул, муницIухва, хозайствалулми функцияртту ца кIанайн буцишиврул. Яъни, творчествалул давриха зунтIиссар паракъатну журналистIал, типографиялушалсса, почталушалсса даврилсса, под-пискалулсса къабуллай. Редакцияртту мурахас буллалиссар финансирттал, юридий масъаларттал ва техникалул иширттал хъардания. Редакциярттансса гъиву куклу хъанахъиссар. Цап-парассаннал тIийкунсса экономика дуваншиврул бакъар. Гъай-гъай, циксса журналистIал аьркинну буссаривгу, миннал даврил квалификациягу ххал дувантIиссар. БувчIлачIисса зат бурхха, хIакъину печатьрал форматрай гъашиву дувайсса замана бакъашиву, редакциярттан информациялул ресурсирттайн ххуллу ласун, цала кIану бугъан багълай бур. ХъхъичIава кунма зуаврия пайда бакъар. ЖурналистIураву сайки оперативникнал гъунар бикIан багълай бур. ЧIумул тIалавшиндарал бушилий хъитлий нанисса журналистика аьркинну дур.



Арсен Юсупов

• – Агентствалийсса бьст-ччаллийсса ихтилатрайн-гу увккунна ина ...

– Ди, тIайлассар. Махъсса 15-16 шинал мутталай медиа-холдинг хIасул даврия гъалгъа тIий бия чIавусса трибунарда. Дагъусттаннал ЖурналистIу-рал союзрал хъунама Аьли Камаловгу миллатирттал изданиертту ца структуралувун цацIун дуван аьркинссар тIун икIайва. Коллегахъул му иширайн муттаэ буккайва. На навагу, холдинг дуваврил хавар баяйхту, Дагъусттаннал печатьрал ва информациялул хъунаманачIан лавгра, рязи акъа. Аьбдуразакъ Аьбдулвагъабовичлул увкуна: «Арсен, кIири ивчусса ихтилат бити. Цифрардах ургу, цал вай хIуччардах ургу, яла буванну гъалгъа». ЩяивкIун паракъатну хIуччардал хъирив изайхту, ттун бувчIуна холдинг чъянира хIасул дуван багълай бивкIшиву. Аьщуйн шуну учин, холдинг хIасул дуварийну харжру гъаз буван хъунтIиссар, жул агъаммур мурад – зун ччисса ва зун бюхъу бусса инсантуран кIантту ябувавур. ХIатта оптимизация ялун най дунугу.

• – Оптимизация дукъарну чара къашай дахханашивуртту дуллалисса чIумал. Гъай-гъай, оптимизациялул штат чан бувай, даву дакъа личIан бувай. Мукун къахъунтIиссарив?

– Гьарзат закондалул ххуллийри дувантIисса. Хасъсса комиссия буссар хIасул бувну, редакциялул штатрал расписаниялул хъирив лавну, цума къуллугъран, даврин лайкъсса урив, цума акъарив ххал увантIиссар.

• – Республикалий миллатирттал мазурдий ххуйну чиччалисса журналистIал чанну бур. Буми уникальнейсса бур. Жагъил хъинну чанну бур. Ва кIану хIисавравун лавсун, кIулшивуртту дулаврил, миллатирттал мазурдий бюхъу буну зунсса журналистIал

хIадур баврил ялувгу пикири бан аьркинни. Акъарив миллатирттал кказитру хъхъичIунмай буваву сантирайсса даву хъун ххай бакъару.

– Рязира ина тIугIимуниссал. Амма уттива кIицI лаган ччай ура, журналистнан профессионал къимат бишлашийни, мунал шинну хIисавравун ласун дакIний бакъару. Ина тIайлассара, миллатирттал редакциярттай уникальнейсса зузалт бур, жулмур буржгу ми ябувавур. ЖурналистIура харжру лайкъсса даражалийн гъаз буван ччай буру. ХIаллицих даву нирхивавун рутлантIиссару.

• – Журналистнал мукъул бияла кIулну, гъалатI итабакъин ягу хъирив лавну ххал къабувсса информация булун бучIину къабикIай. Винна цайми миллатирттал мазкъаIулува, ина цукун бишаванна коллегахъал даврин къимат?

– Хъунама редакторнал бияла лагъ къабуллалиссар. Редакциялул творчествалул шалла даврил жаваб дуллалима хъунама редакторди. МуницIухва, холдинг хIасул бувния мукъах редакциялул коллегиялул бияла хъун хъанахъиссар, ва агъамсса кIанур. Структуралул хъунама хIисаврай, ттулмур бурж – захIматран къулайсса шартIру хIасул дувавур. Гъаннайсса, ми паракъатну творчествалуха зунсса шартIру сакин давур.

• – ТIааьн бакъасса суал. Цуксса тIайлассар «Заманалул» циняв зузалт холдингай личIантIиссар тIисса хавар.

– На инсантуран миллат хIисав бувну къабишара къимат. ТтучIа профессионалтал зий бур. На дарги батIинтIиссар тIисса хавардугу гъану бакъасса хавардур, оптимизация «Заманалийнгу» дагълагъиссар.

• – Вин миллатирттал изданиерттал бучIантIимур цукун чIалай бур?

– «Печатка» яхъунтIиссар. ХъхъичIра куннасса къайдалий дакъарча, дахханашивуртту дурну. Жунма аьркинни интерне-травун къутIин, цинярда площадкартту ва социал сетьру ишла дуллай, кказитру яхъуншиврул дугъан кIулну, дюржъуну хъу дугъан. Дуниялул гьарцагу мурицIийсса жулва миллатирттал инсантураша, сайтрайн бивххун, ниттил мазрайсса хаварду буккин хъунсса, ниттил мазрайсса гъалгъалух вичIи дишин хъунсса куцшуй. ХIасил, гьарца редакциялия мини-холдинг хъун аьркинссар.

• – Холдинг хIасул буллалийни Дагинформрал чулуха кумаг бияв? Ягу так хIала буххаву? Уртакъну зий бурув?

– Так кумаг. ЦукунчIавсса дайшишурду, кувннан кув къабувчIавуртту дакъар. Ттуин ва даву вихшала дунни, маслихатрайсса мукъух вичIи дишай, къулагъас дур дагъайкунсса. Цал уттигу тикрал буван: жул аьмсса задачар редакциярттал творчествалул потенциал багъайкун ишла буваву.

Ихтилат бивссар
Тамерлан МУСАИДОВЛУЛ
Таржима
Патимат РАМАЗАНОВАЛ

Ккуллал райондалия

Ниттихъал байран школалий

Ниттихъал байран кIицI ларгунни вай гъантрай ЧIайннал Ишяраваллил магъирлугърал къатраву. Му къини кIицI ларгаврил сиптачину хъунни шяраваллил магъирлугърал къатлул ка-ялувчи СалихIат Алхасова. Байрандалун хасну ЧIюлу бувну бия хъун бакъасса зал. Ниттихъал байрандалийн оьвкуну бия оьрчIан кIулшивуртту дуллай хъунмасса захIмат бивхъусса ЧIайннал шко-лалул учительтурайн ва дуклаки оьрчIайн.



Имара САИДОВА

Мероприятие дайдахълай, ниттихъул ва душру барча буллалисса ихтилат бувна СалихIат Алхасовал. Ванил дуклаки оьрчIахъ бивсуна байрандалул тарихраутугу.

– Хирасса ниттихъул, барча дуллай буру зул байран, чIа тIий буру цIуллушиву, талихI, тирхханну. Зула оьрмулуву ккар-ксса захIматшивуртту, пашман-

шивуртту хъамаритан дансса ххаришивуртту дияннав ттиния тихуннай зул ялун, – увкуна ванил.

Хъирив ниттихъул, душру барча буллалисса ихтилат бувна ЧIайннал школалул учительту-рал Фатима Айдаевал ва Зульфия Аьбдуллаевал.

Ниттихъан хас бивсса ше-рирдугу бивккуну, балайрду увкуна дуклаки оьрчIал.

ДакIнил щавулий дирхъусса ка

Хъаннил байрандалул гъантрайн тIайла дарцIуна Ккуллал шя-рватугу МахIмуд Чаннановлул Украиннаву хасъсса аьралий иширттаву чувшиврий жан дулуну шин хъанахъисса чIун. Ванал ниттил Шамсият Оьмаровал шинайн зикри бишин, дуаь дуван цилла къювулул ссурвавайн, арсру аьрай ливтIусса ниттихъайн оьвтIисса хавар шайхту, Мариян Илиясовал цIанийсса «Дараччи» клубрал хъунмур Гульшан Хасаевал хIукму бувна клубрал чулуха Шамсиятгу, ва къини ванил Каспийск шагърулийсса ужагърайн бавтIисса цайми лакку ниттихъулгу барча буван куннасса даву дуван.

ПатIимат РАМАЗАНОВА

«Жура цимиллагу тикрал дувару халкъуннал шаэр Фазу Аьлиевал, «ккулла шийн битарчагу, ниттил дакIнишунни шайсса» тIисса калима. Буни-ялттунгу, Украиннаву аьралий ишру байбивхъуня шийнмай ниттихъал дакIру къювулий дур. Жу хIакъину, жувагу зул дардирал, зул къювулул чIарав бушиву ккаккан буван, зул чIарав шябикIан бивкIру, мудар зул чIарав буссару», – увкуна Гульшан Хасаевал.

Ванил ларкал виртталсса ниттихъахъхъун буллауна кон-вертругу.

«Ттул дуняллий дуссара-гу хъус-ххазина ва арс ия. Къу-

ния цара шинаву лавгунни дунияллия, цамур лякъул оьрчI ттул бакъар, я МахIмудлун шар дуцинсса къисмат къавхъунни, Аллагъан ва ттунма кIулну яхI буллай бура, ттула яхI бусса оьрчIал аьпалул хIурматран. Ва къини ттуин дуркния шийнмай ттул чIарав бавцIуну, ттул ша-вулий цIимилул ка дирхъумин-наву «Дараччилул» душру бур, на зуйн барчаллагърай бура, ду-аьрдай бура», – увкуна Шамси-ятлул.

Аьрасатнал Виричу Нур-махIаммад ХIажимахIаммадов-лул ниттил Сапидат Мазеевал-гу кIицI лавгуна «Дараччилул» къулагъасрахлу дакIнийхтуну барчаллагърай бушиву.

Цуссалакрал райондалия Дунияллий яла аьзизми

Ниттихъал байрандалун хас дурну Цуссалакрал райондалул Культуралул къатраву хьунни «Аьзизсса ниттил сипат» тисса цанилусса выставка.



Имара САИДОВА

Шикку тамашалун дирхьуну дия А. Кьурбанмахаммадовул цанийсса Оьрчал искусствардал школалул тарбиячитурал дирхьусса суратру, шарссса ва пластилиндалия дурсса игрушкартту ва цаймигу кьай-кьуй.

Выставкалий ца яла асар хьунмину дия ниттихъал, ссурвал ва душвалвал суратру.

Оьрчал дирхьусса суратиртайну бувчлай бия дунияллий яла аьзизми ниттихъул, ссурвал ва цинявпагу душру бушиву.

Агъали къамул бунни

Март зурул 1-ний Цуссалакрал райондалул администрациялул къатраву агъалинашал хьунаавкъунни лакрал халкъ цусса миналийн бизан баврил ва Ахуллал район цу дуккан даврил масъалартгалсса буллалисса ДР-лул Хикуматрал Управлениялул хьунама Махаммад-Хижи Айдиев.

Имара САИДОВА

Ва кьини ванал къамул унни бизан баврицун бавхусса масъалартгал хакъираву увкисса 51 инсан. Маслихат хьунни, хьирив лавну, вайннал масъалартту ххал бигьин. Управлениялий март зурул 3-ний ххал бивгьунни 20 инсаннал аьрза. Вай инсантурал чулухасса чиявуми аьрзри бия къатри нуклувасса чачаннал миллатрал залухъруннахъун дулаврил ва къадиртсса къатрахсса компенсацияртту ласав-

рил хакъиравусса. Махаммад-Хижи Айдиевлул, цачанма бувкисса цинявпагу инсантурал масъалартгал личилулу вичигу дирхьуну, бувчин бунни закондалийн чул бивщуну дузрайн буккан бантшиву вайннал мурадру. Му бакъассагу, ва кьинисса хьунабакъаврий къамул дунни хььичлавасса залухъруннахъун къатри тапшур дуллалисса ххюра акт. Ванийнугу исват хъанай бур лак цусса миналийн бизан баврил ва чачаннал миллат цала миналийн бучлаврил даву чялиш дуккан дуллаи душиву.

Оьрчал дурсса тлутал дуниял

Март зурул мийнний «Зул мкаруннил гъилишиву» тисса социал проектрал лагрулий Душиврул къатраву тиртуна оьрчал дурсса суратиртгал выставка. Ва хас дурну дия Хъаннил байрандалун.

П. РАМАЗАНОВА

Выставкалий ккаккиялул дирхьуну дия МБОУ «Хасъсса (коррекционная) школа-интернатрал» (2-мур видрал интернат учайн ванийн) ва У. Муртузааьлиевал цанийсса Республикалул центрданул дуклаки оьрчал дурсса суратру. Душиврул къатраву хьунмур Саида Ярахмадовал, оьрчлу барча буллаи, кици лавгуна выставкалул тема тлутан хас дурсса душиву, тлутив хъаннил байрандалул лишан духьувкун. «Тлутив пишкаш дувару ниттихъан, ссурвалвал, амуладахъан, кулпатирт-



тан. Хакъину выставкалий яргесса, аьнтликисса тлутал дуниял оьрчал каруннил загьир дурну дур, вай тлутал жулла дакругу аьчух дуккан дуллаи дур», - увкуна Саидал. Мероприятиялий гьуртту хьуна Хасановул цанийсса Музыкалул училища-лулу дуклакмигу.

Лакрал райондалул администрациялийн оьвкуну, райондалул бакчи Юсуп Махаммадовул барча бунни Украиннал аьршарай нанисса хасъсса аьрралий операциялий гьурттушинна дуллалисса контрактрай къуллугь буллалиминнал ва мобилизовать бувминнал ниттихъул.

Лакрал райондалия Барча бунни ниттихъул



Дакру аьчух дуккан дуван

Хъаннил байрандалун хасну Гьунчукьатрал шяраваллил Культуралул къатраву хьунни шадлугьрайсса батлаву.

Бадрижамал АЬЛИЕВА

Байрандалул концерт дайдишин хььичи хъами цалва ва администрациялул чулуха барча буллалисса махъ лавхъуна шяраваллил бакчи Мухад Штанчаевул.

Концертрал программа тиртуна Залина Гудовал. Гихунмай сахналийн бувккуна Хижи Кьубиев, Хасан Сулайманов, Тамара Аьлилова, Карин Мудунов, Султан Хиусманов. Хьинсса балайрадацун мукумасса махъгу лавхъуна Хижи Кьубиевлул. Цалва ихтилатраву ванал кици лавгуна укун цу лаган бувсса клуб нажагъсса шяраву бакъа бакъашиву, амма шивун заназими чан хьуну бушиву, хььичива культуралул къатта бухсса, ремонт дакъасса бунугу, шивун буллакисса инсантал чиявусса бивкшиву, умуд бивхьунни, ччясса чумуву дуниялгу паракъат хьуну, инсантал паракъатну яхъанансар, шяраваллил клубу хььичива кунма ин-



сантурал бувцуну биклавансар тисса.

Мийжаннугу, Гьунчукьатрал шяраваллил Культуралул къатраву хььичива ххалахи багъансса клану къабикийссия, чиявуну шайссия тяхъасса маж-

Зулайхат ТАХАКЪАЕВА

- Ххирасса ниттихъул, бусан къахъунсар цукунсса тагьарданий дуссарив арсру аьрайсса ниттихъал дакру - хьхьу-кьини вас-цахлий, дард-хажалатрай яхъанахъисса, хьхьурду утгара дуллалисса.

Хакъину жула билаятрал ялул цунилгу дирну дурнигъачлаву. Зул арсру, ласру бувккунни Ватандалул цанил баруну бацан. Ссаур дулуннав зухъхьун, къалешаннав зул дакрудиву умуд, дучаннав зул ялул арсру ва ласру зана хьусса тирххандарал кьини! Хьул бишинну зул арсру ва ласру ччясса мутгалий ххувшавришал зана хьунтшиврийн! Ча тий ура зун цулушиву ва ссаур, - увкунни Юсуп Махаммадовул, хъаннихъун тлутив ва арцуйнуса бахшишругу дуллаи.

лисру, лагма шархъаясса къачансса инсанталгу бучайссия шиккусса концертирттайн. Махъ ппурттуву шяраву лув-ялув бивктуру хьуну, цукссагу халта клубрал чирттанмагу музыкалул чу къабавну. Ва ххуллукмур концертрайгу, вара саварайн бувну, зал бувцуну бакъая. Гьунчукьатрал Культуралул къатраву директорну ур Закарижа Дандамаев, ванал балай къабавсарив райондалий нажагъсса ухъунсар. Оьрмулул дязаннин Закарижанал хьунама уссу Хамид аьпалул хьуну хьунма хал къалавгунни. Укун, цаллагу сахналийн уккансса даки дакъа, Закарижанал хларачат бувну бия. Гьумуча ва члаххуврайсса Кулал райондалиясса цалва дулал батлун, шяраваллил инсантурал дакру ва бигъа дакъасса чумал чансарагу аьчух дуккан дувансса, хъаннил хурматрансса даву дуван. Лакрал ва Кулал районнасса балайчитурал ккаккан дурсса сайки кира ссятрал мутталийсса концерт, дайди хьусса кунна, къурталгу дуруна Залина Гудовал, жагилисса оьрмулий аьпалул хьусса цила уссин хас бувсса балайлийну.

Хъаннин ва хъанниха

Хъаннил байрандалун хас дурсса концерт ккаккан дунни март зурул арулунний Оьруснал драмтеатрдану. Ва хладур дурну дия Дагъусттаннал Культуралул министрствалул ва «Дагъусттан-концертрал» уртакъну.



Концерт дайди хьуна Мурад Къажлаевул цанийсса Республикалул магьирлугьрал школалул оьрчал «Лалаленд» тисса номерданийну. Ретрокиноратирттава хъаннил попури шаллу дуруна Дагъусттаннал лайк хьусса артистка Нурианна Кьаллаевал, Дагъусттаннал халкъуннал артистка Гулханум Хижиевал ва Каринэ Давыдовал. Музыкалул композициярайдуну душру барча бувна Дагъусттаннал лайк хьусса артистурал Аьдил Уцумиевлул, Тимур Варисовул, Дагъусттаннал магьирлугьрал лайк хьусса зузала Аьвдурахман Шамиловул. Концертрал программа авадансса дия, лях-карах экрандалий ккаккан буллаи бия машгьурсса киносуратирттава ладларду. Тамашчитурал шакъалихъавай къамул бувна Тельманнул, Хириду Султановал ва цаймигу машгьурсса балайчитурал балайрду. Дия къавтавуртту, асар хьунсса композицияртту. Концертрахазий бивкминнал биялсса хларачат бувну бия хъамитайпалул кьимат бюхттулу бушиву ккаккан буллалисса шадлугь дуван.

Лакрал халкъуннал учаларттава

Виричунал нину аьтIун кьадикIайссар.

Гьалмахцар ссувхIатрах мадарача, зузиний дува.

ГьаттарахIухчил жалингу кьуннилайири чIюлу шайсса.

Дуккан дурсса щарссанил нихъри мусилну чIалан бикIайссар.

Душинил нину – кьувулл шаний, оьрчIал нину – кьоллун шаний.

Душинин дарман щар булавур.

Душ бунахь була учайссар, оьрчI унал дуцайссар.

Дунияллул яла хьунмур талихI дакI-маз тIайласса лас-щар хьунабакьавур.

Интту дяркьу – ттула душнин, ссуттил дяркьу – арснал щарнин.

Кьатта бавцIусса щарссанийири.

Лас ва щар кувннал кув лавьсса бухурчан, ххазина кьаьркинссар.

Лас акьасса щарсса магьи дакьасса чIаркIур.

Ласналми бувгьусса щарсса сьях кьаришуву.

Ласнал хасият щарнил дарцуссар тIар.



«Илчи» – маслихIатчи Цуллу-сагъшивруцIунсса маслихIатру



Хъаннинсса спорт – ссая байбишинну?

Спортрахун агъаврия мюнпат хьуншиврул жунма аьркинссар кьулагьас дан чурххал ва оьрмул хасшивуртгах. Цуллусса оьрму байбишин шайссар ччимур чIумал. Амма, чIун ларгукун, жула чурххал хIал баххана шайссар, му хIал спортрахун агъаврийгу асар шайссар.

Зулайхат ТАХАКЪАЕВА

Оьрмулун шинну хIасав дурну, чурххавусса процессу личIилинну бачайссар. Хъамитайпалул оьрму тIутIайх бичлай бачайссар зувира шинаву. Муния махъ чурххал даву, чан-чанну тIий, хьхъара шайссар.

МукъцIалла шинаву хъамитайпалул чурххаву шайссар укусса дахханашиннарду: бишив кукулу шайссар 30%, нервардал тарглагъ шайссар 15%. Мунил бусласиссар жула сукку-кьютIулун ххисаласса чIун ва гуж аьркиншиву. Чурххал кукулушиву лагъ шайссар 20%, мунийну ттаркIури ций дайдишайссар. Чурххана-кьулуну бухурчагума, хIасилу ххуй даншиврул аьркинну бур хасьса шаттирду ласлан.

ХьхъичIва-хьхъичI аьркинссар сакин дан зунна дакьлакьисса тренировкардал программа. ХIакинначIан лавгун, кIул дара зула чурххан кьадакьайсса спортрал занятиртту дурив ягу дакьарив.

ДакIний битияра, найбунува чурххайн гуж бутан кьабучIиссар. Спортрахун багьияра хIалли-

упражненияртту буллан аьркинссар гьарца кьини, уссал хьхъару оьрмулун бугъара хьуну махъгу жушава бахIин бюхъаваншиврул. Агарда, чIун-чIумуй спортзалдануван занансса сант дакьахурча, чIяру дуvara заназин. Машан ласияра шаттирду буцайсса зат ягу телефондалий дишара шаттирду буккайсса приложение. Кьинилун битан аьркинссар чанманну 10000 ша.

Цуми гьалатIру кьабучIиссар итабакьин?

Агарда зу ялув кIицI лавгсса маслихIатру биттур буларчагума, бюхъайссар цаппарасса гьалатIиртал зул цуллу-сагъшиврун зарал биян бан. ХIарачат буvara ми гьалатIру иткьахххан. Хъаннил чIявуну язи бугъай фитнесрал укунсса журадду: йога ягу пилатес. Махъ бакъа, миннуя лябукку буссар чурххал кукулушиву ядан, амма кьюкIлийн, мускуллайн аьркинсса гуж миннул кьабутайссар. Аьркинссар пилатес ягу йога чурххайн гуж бутайсса упражненияртташал цацIуну дуллан. ЗахIматсса тренировкарттайнгу занай, дукралул ялув кьабачIарча, мугу гьалатIри. ЧIяру дара дикI ва хьюрув (бишив цаакъ баншиврул) ва ялагу накIлил дукра (ттаркI кьанкьа даншиврул).

Зун аьркинссар хьуннасса чIун ва ссавур – найбунува мурад щаллу кьашайссар. Амма цуллу-сагъшиврул ва исвагьисса чурххал цаний цичIар хIайп маچارу.

Баян

МУНИЦИПАЛЬНОЕ БЮДЖЕТНОЕ УЧРЕЖДЕНИЕ ДОПОЛНИТЕЛЬНОГО ОБРАЗОВАНИЯ «МУНИЦИПАЛЬНЫЙ ЦЕНТР ХОРЕОГРАФИЧЕСКОГО ИСКУССТВА – ЗАСЛУЖЕННЫЙ АНСАМБЛЬ ТАНЦА «СЧАСТЛИВОЕ ДЕТСТВО»

Приглашение
На юбилей **О.мара Нухкадиевича**
65 лет
и 45 лет на сцене

Мартрал 15-нний, ссят 19-нний, Къумукьнал театрланува хьунтIиссар Дагъусттаннал лайкь хьусса артист **Оьмар МахIадовлул** юбилейран хас бувсса мажлис.


ЧIунлахъиялун

КIяламиннул 2 ходрай мат дихълай бур.




1. f2+Kpa1 2. Cc3x
x+q4
I...Kpa3 2. Cc4f4

МАХIАЧКЪАЛА



Гъавалул тагъар



Газета «Илчи» (Вестник)

Учредитель:
Агентство информации и печати
Республики Дагестан

Хьунама редакторнахлу:
БАШАЕВ Р.М.
Тел.. 65-00-07

Кьардашов Р. Ав. Тел. 65-03-12
хьунама редакторнал хьиривма

Редколлегия:
Адамов АбдурахIман
МахIаммадович
Аьлиев ХIажи Сулайманович
Исрапилов Артур Анварович
КьурбанмахIаммадов Чанкура
Рамазанович
Маммаев Сулайман
Нураттинович
МахIаммадов Юсуп ХIамидович
Хаппалаев Аслан Юсупович
Хасаева Гульшан Рамазановна
ХIажимирзаев Зиябуттин
Абусупиянович
Шалласуев Шалласу Рамазанович
Эльдарова Роза ХIажиевна

Отделлал редактортал:
Абдуллаева А. П.
Аьдилов ХI. А.
Рамазанова П. ХI.
Тахакьаева З. К.
ХIусайнаева К.А.

Подпискалул отдел:
Абдуллаев А. Кь.

Корреспондентьгал:
АьбурахIманова З. Т.
Аьлиева Б. Д.
Саидова И. А.

Корректор:
АхIмадова А.И.

Кказитрал компьютерданул цех:
Абакарова К. Н.
ХIажиева З. У.

Кказитрай дурксса макьаларттаву кIицI лавгмур тIайлашиврул жаваб дулайссар чивчуманал. Редакция макьалалул залуннал пикирий ризину бакьахурчагу, макьала ришайссар, жяматрал цаламур пикири бусанссар тIиссаниятрай. Кказитрайн дуркIсса макьаларттайн рецензия кьачичайссар ва ми залуннахъхьун зана кьадайссар.

Кказит буккайссар нюжмардий цал. Шинай итабакьайссар 52 номер.

Кказитрал индекс. П7046
Тираж – 2000 экз.

Адрес редакции и издателя:
367018, г. Махачкала,
пр-т Насрутдинова, 1а
e-mail. ilchi@rambler.ru
http://ilchi.info
Тел./факс. 65-00-07

Газета «Илчи» зарегистрирована
Управлением Федеральной службы
по надзору в сфере связи, инфор-
мационных технологий и массовых
коммуникаций по РД.
Рег. ПИ № ТУ 05-00424
от 30.04.2019

Газета «Илчи» отпечатана
в типографии ООО «Издательство
«Лотос».
367018, РД г. Махачкала,
Пр-т Насрутдинова, 1а
Срок подписания в печать 19.00.
Подписано 19.00.
Цена свободная

